

南
社
叢
選

貫成署



上海图书馆藏书



A541 212 0016 5456B

南土養選

詞選

卷一



國學社印行

[The main body of the page is a large, empty rectangular frame, indicating that the text content is missing or has been redacted.]

詞選目錄

卷一

太一詞六首

屯良詞八首

蘿庵詞三首

默君詞三首

夢蘧詞四首

琢如詞二首

平子詞三首

雪耘詞六首

沼采詞三首

季剛詞三首

甯調元

傅熊湘

鄭澤

張昭漢

黃鈞

成本璞

張啓漢

劉鵬年

傅道博

黃侃

仲蘧詞三首

劉 瑗

精衛詞三首

汪兆銘

太侔詞七首

沈宗畸

蘭史詞七首

潘飛聲

寒瓊詞二首

蔡 守

爾雅詞二首

鄧萬歲

一厂詞四首

林百舉

定禪詞四首

黃 瀾

吉樂詞二首

王漢章

孟碩詞一首

鄧家彥

更存詞五首

陸嶠南

天民詞二首

呂志伊

荔丹詞二首

張光厚

弘一詞五首

李凡

浚南詞九首

林學衡

小柳詞三十首

陶牧

步曾詞一首

胡先驕

栗長詞一首

胡穎之

十眉詞二首

余其鏘

懺慧詞九首

徐自華

小淑詞十一首

徐蘊華

次公詞二十四首

邵瑞彭

董父詞三首

洪奐

卷二

匪石詞十六首

陳世宜

杏佛詞五首

楊銓

中洽詞十二首

葉玉森

眉孫詞三首

吳清庠

揮孫詞五首

張素

萬里詞一首

蔣同超

蓴農詞三十首

王蘊章

蛻庵詞十一首

陳蛻

瞿安詞八首

吳梅

天遂詞三首

余疚儂

劍華詞九首

俞鏗

摩西詞五首

黃人

獨笑詞一首

龐樹松

槩子詞三十四首

龐樹柏

了公詞二首

楊錫章

鷓鴣詞七首

姚錫鈞

吹萬詞五首

高燮

佛子詞四首

高增

巢南詞十二首

陳去病

亞子詞七首

柳棄疾

冶民詞三首

蔡寅

大覺詞三首

王德鍾

病蝶詞三首

黃復

先生詞十二首

王鍾麒

善之詞七首

遁天詞二首

寄塵詞七首

程善之

呂碧城

胡懷琛

南社叢選

詞選卷一

涇縣胡韞玉樸安選錄

太一詞選

雷調元字太一湖南長沙人今錄詞六首

南鄉子 已酉閏花朝

終夜不曾眠。雨打梨花月似烟。一個花朝愁不了。偏偏又把花朝逢。閏年獨
自倚牀前。何限心情錦瑟邊。已是今生纏縛苦。千千莫再相逢。兜率天。

洞仙歌

碧天似水。有疎星三五。蟋蟀聲聲滿庭戶。漸炎威銷歇。不似從前。甚心緒。却怕
逢秋更苦。夜涼慵獨寐。守著空房。重訂佳期又重誤。對疊疊屏山。少小歡遊。
空贏得銷魂。怎處謝玉漏。今宵少遲留。容我化文禽。夢中歸去。

浪淘沙 次韻答鈍劍

無計可消愁。天路悠悠。中情皓潔信余修。蕭艾不鋤蘭蕙萎。容與江洲。舉世爛羊頭。舜死堯幽。羞羞銅臭漢公侯。怪道被蘿山畔女。少與多仇。

貂裘換酒 贈人

四壁秋蛩歎。向孤燈重門靜掩。聽殘更箭。百輩時交休說起。略略山移景換。便鳥獸驚風各散。十事九場歸結幻。早年來猜透人情半。都脂韋。成習慣。漫漫長夜行當日。怪平原營援史弼。不曾一面。地老天荒誰料得。直道而今還見。縱萬死也都無怨。何況青蠅能作弔。祇瞻韓未展平生願。算此是平生恨。

如夢令 感事

帝子花衰還種。寄語東皇珍重。風雨夜如何。葉葉枝枝斷送。沈痛。沈痛。又了一場春夢。

柳梢青 丁未南幽除夕

一年容易。惟聞更鼓聲流替。五度除宵。家園客子。斷腸各自。二老料知何似。

誤一片倚門心事。天若有情。念儂孤苦。也應回睇。
屯長詞選

傅熊湘字屯長湖南醴陵人今錄詞八首

江城子

已酉五月五日與牧豨蓋生約真攜酒
飲太一獄中太一賦詞見示次韻酬之

南幽沈怨夏飛霜。夢荒唐。最堪傷。偏是愁時歲月逐人忙。細柳新蒲饒節物。聽
疊鼓。鬧端陽。且圖歡聚慰相望。意茫茫。酒行行。漫寫填胸萬恨唱伊涼。此會
此時今世少。人五個願無忘。

鵲踏枝

老我年華驅我苦。世事如棋。著著都成誤。兩字窮愁天付與。不堪持向人間訴。
誰是誰非難計取。春去花殘。一例隨塵土。料理扁舟湖上去。釣竿斜日簑衣
雨。

如夢令

見也匆匆如夢。別也匆匆如夢。來是夢中來。去是夢魂相送。如夢如夢。腸斷魂銷。心痛。

羅敷媚

靈均天問無消息。縱有難憑。況是無靈。叫盡重閣未必應。朔風苦助寒威虐。已過霜零。早又堅冰。只合長眠睡莫醒。

天仙子 送別

春欲歸時春不語。零亂春愁何處訴。願春莫聽子規啼。春且住。春休去。腸斷天涯芳草路。

點絳脣

小院冬殘。映窗衰柳搖疏影。舊愁難定。新恨還相迸。倦旅懨懨。霜色催寒暝。孤衾冷。夜長人病。未睡先妨醒。

浪淘沙

孤館夜燈昏。靜掩重門。殘冬作客倍消魂。便說今宵寒透骨。誰與溫存。舊事不堪論。枉負新恩。年年芳草送王孫。別也尋常離也慣。夢也無痕。

浣溪紗 別長沙諸友

欲寫離愁一萬重。可堪流水自西東。三更殘雨五更風。未辦白頭終有約。卽拋紅豆更何從。浮生踪跡似飄蓬。

蘿庵詞選

鄭澤字蘿庵湖南長沙人今錄詞三首

瑤華慢 武昌七夕

銀河萬里。畫橋仙子。相憶偏相見。人間今夜。還抱却。會少離多。幽怨針樓斜倚。早乞到情絲紛亂。望洞庭秋水。連天付與。寸腸千轉。思量避暑驪山。曾誓語憑伊。心似金鈿。誰知靈夕。竟只有仙子年年。懷宴飄零似我。空悵望天涯人遠。更那堪。鷺地西風。還把流年偷換。

聲聲慢 秋柳

情絲。冒雨。恨縷。低烟。白門寥落時候。那便輕狂。早被西風吹瘦。年年曉窗。壓綫。歎淒涼。今年還又。問何事。剩斜陽。芳陌玉塵依舊。記省書樓春暖。是翡翠簾。攏嬌鶯。穿就的。嚶聲圓。空把佳期頻數。蕭娘黛眉暗鎖。更誰知。衣寬金縷。追憶苦。悵秋痕。依約露華涼透。

點絳脣

萃綠池塘。是儂舊日銷魂地。黛眉今際。換了山橫翠。便有瓊緘。倩得誰人寄。西窗裏。夜釭斜倚。寫個相思字。

默君詞選

張昭漢字默君湖南湘鄉人今錄詞三首

漁家傲 七夕

浩淼銀河年一渡。新愁舊恨從頭數。夢墮西風天欲曙。銷魂處。鵲橋迷斷歸來。

路。清淚幾行難付與。釀成叢桂。淒馨露。修到神仙徒自苦。君悟否。人間何地。相思訴。

笑指長空懷渺渺。牽牛也爲鍾情老。密網自投還說巧。乾坤小人間。未必彌煩惱。斜月一鉤輝滿抱。無窮哀艷都鈎了。醉筆頻搖星斗皓。歌且舞。酒痕墨瀋。青衫好。

河滿子 中秋月色不佳

瑤碧輕籠薄霧。涓涓風露淒清。底事姮娥多悵惘。廣寒醉倒螺觥。愁鎖瓊樓高處。雲屏掩怯。生。鶴唳哀沈天籟。無端詩夢難成。古鼎添香聊寄傲。焦桐咽作秋聲。立徧曲闌干外。有花影數枝橫。

夢蘧詞選

黃鈞字夢蘧湖南醴陵人今錄詞四首

水龍吟

夜遊哈同花園
籌賑遊覽會

晚風吹度簾櫳。玉樓倒影銀河淨。雷車十里。電龍雙扇。珠光掩映。倚遍闌干。羅襦水透。秋宵漏永。望天邊一角。愁雲黯淡。渾不似承平景。江北江南萬頃。莽荒烟斷垣頽井。西風日暮。倚門長歎。秋塵生甑。幾度回腸。幾番搔首。吳江簫冷。問胭脂隊裏。王孫能否。解千金贖。

眼兒媚

山桃帶雨不勝嬌。紅鎖木蘭橈。一春心事。萬重哀怨。幾度魂銷。風狂雨橫。何時歇。客路總迢遙。金鈴誰護。綠章誰奏。銀燭誰燒。

如夢令

眉眼盈盈秋水。那禁嬌羞如許。倚笛按歌清。吹落梅花無數。三五三五。人在廣寒深處。

醉太平

樓高月明。風微笛清。紅燈綠燧盈盈。問何人醉醒。三更兩更。烏啼雁鳴。一時

併入銀箏似漸離筑聲

琢如詞選

成本璞字琢如湖南湘鄉人今錄詞二首

夢江南

春欲去紅淚暈春潮花意已隨人意懶酒痕還和夢痕消孤枕夜無聊
春欲去小院落花多宋玉有情迷暮雨洛妃無語託微波何況病維摩

月下笛

放棹寒江依傍晚烟水蒼茫漁歌答響用玉田韻作寄仲章

岸約天回帆隨日落韻潮來處清蒸九折如此江山俊游路波中漁火星星顛
最苦是連宵細雨歎浮生如夢水流花落怨春無語無緒斜陽暮趁渺渺煙
波早盟鷗鷺孤篷倦旅誰知今日淒苦五湖便放扁舟去問海上三山在否空
徙倚扣舷歌驚起棲鴉老樹仁許邁孫刻龔衛圃舊抄本山中白雲詞此闕恐翠袖正天寒句多一字今本多誤

平子詞選

張啓漢字平子湖南湘潭人今錄詞三首

蝶戀花 星沙晚春

郭外蘼蕪青欲遍。浣盡紅塵。亂撲驕驕面。十里花開隨意遠。星沙春盡腸應斷。誰道瀟湘歌舞艷。滿目輪蹄。花落無人見。鬢影衣香都盡散。昔時王謝今時

燕。

木蘭花慢

前闕意有未盡續填此廣之不自知其哀以思也昔年此際集南社之吟朋庶蘭亭之韵事今非其時矣屯屯良遠在海上見此下耶

盼杜鵑血淚。都點滴上莓苔。正花片澆紅。柳絲綻綠。恨緒紛來。春光正依人暖。罵東風偏着意安排。流蕩雲邊新月。驚翻池上春雷。暗香傳不到深閨。梁燕語頻催。只滿戶蛛絲。空庭草色。猶認吟杯。豪情半隨逝水。任餘波還突過秦淮。待把錦書付與。剛腸已斷千回。

揚州慢

此白石自製中呂宮調也中有云自胡馬窺江去後廢池喬木猶諱言兵及今讀此尙有餘痛况身櫻其禍者乎余因倚聲和之以

黃與邦人士
同聲一哭

山外雲光。水邊帆影。儘人細數前程。渡重湖八百。遍村樹煙青。歛飛燕歸巢野
幕。曲鄉荒徑。無處非兵。更紅塵飛鞚。遙鞭都指湘城。淶江株里。祇星星燐火
傳驚。似拂妓墳邊。空靈岸側。堪寄閑情。現賸有陳人在。淒風冷雨。聽鷓鴣聲。念當
年詩料。而今悲緒環生。

雪耘詞選

劉鵬年字雪耘湖南醴陵人今錄詞六首

浣溪沙

便得重逢路恐迷。無情有恨獨憐伊。天涯回首一沾衣。誰遣驚鴻空照影。似
聞飛絮已成泥。夕陽紅到粉牆西。
信有三生未了緣。自將紅淚報纏綿。指尖彈冷七條絃。別酒乍醒楊柳岸。春
魂猶帶海棠烟。一般憔悴可人憐。

南社叢選

一寸相思一寸灰。珍珠簾捲燕雙飛。春風閑煞好樓臺。最

難紅粉解憐才。玉璫緘札幾時來。

小小朱樓曲曲橋。橫塘煙雨夜瀟瀟。倩魂端向此時銷。一水紅添鮫淚漲。萬

山青送馬蹄驕。悶尋鸚鵡話無聊。

偶落吟鞭偶駐車。紅榴西畔是兒家。零歡斷夢一些些。任說君恩深到骨。爭

知儂影瘦於花。頻年芳艸滿天涯。

到此真銷未死魂。大寒翠袖倚黃昏。淒迷影事那堪論。一自玉騎嘶別路。枉

教明月射啼痕。重重香霧鎖朱門。

紹禹詞選

傅道博字紹禹湖南醴陵人今錄詞三首

誤佳期

庭院深深幾許。楊柳青青無語。斜陽祇管做黃昏。不管儂心苦。燕舞石尤風。

花落清明雨。杜鵑枝上遍。嗶紅依舊春無主。

綠意 自題藤蕪閣

溪山勝處。有竹籬茅舍。留人小住。綠潤窗紗。紅暖簾櫳。清絕一庭幽趣。朱闌曲折。梧桐院。更別有斜陽千樹。試登樓。一晌徘徊。四壁青山無語。最好春秋佳日。任臨水登山。翱翔容與。浪跡風塵。結客江湖。回首當年都誤。英雄百輩風流盡。總付與大江東去。惜芳菲。寫入離騷。不管悲秋風雨。

陂塘柳 題哲夫畫贈高柳水堂圖

問佳人是。何身世。水堂山館留滯。烟波澹蕩。喧鷗鷺。碧柳弄風搖曳。還更喜。有繞屋山花。簌簌紅無比。朱闌俊倚。儘肌骨闌珊。風姿綽約。正自飽情味。人間世。何處銷魂有是。飄零那得來此。他生萬一重來也。定向個中投止。渾不似。怕漁者桃源。往迹迷前地。畫圖縱紀。但恨海情天。幾時了斷。卽此也痴意。

季剛詞選

南社叢書

詞選卷一

七

國學社印行

黃侃字季剛湖北蕪州人今錄詞三首

解語花 題紅礁畫漿錄

晴漪漾碧。夜汐流紅。搖散文鴛影。淚珠。濺鏡芙蓉老。誰遣怨魂輕。鮫宮正冷。收情網。斷珊慵整。空自憐填海冤禽。此恨隨年永。溟漲愁瀾無定。送虛舟何處。奇興難並。碎萍漂梗乘潮遠。似與阿儂同命。嬌郎更病。算往事。殷勤猶省。招桂旗巖畔相逢。終是淒涼境。

六醜

對蠻花進酒。又恰是殊鄉寒食。願花散愁。愁多花散識。落去無力。問去年香夢。脂粉。費幾番遺憶。斜陽染就。嬌紅色。嫩蘂纔舒殘。英旋積。幽吟祇成悽惻。怕鶯癡蝶怨。休放攀摘。飛花仍急。向東風似泣。淚與芳流遠。還暗滴。回頭縱念孤客。悵穠華易盡。綠波無極。仙雲渺已難蹤。迹終不奈。一片華燈。照曉萬枝岑寂。無聊處。復待誰惜。算斷魂儘有相憐意。空憑夜汐。

蘭陵王

海波碧。天遠垂空漾色。危闌外。仍見片帆載了斜陽。反鄉國。簾前燕似客。遠識分飛。可惜江關去。應倩斷鴻來。與羈人伴。岑寂連宵。夢難覓。况雨上高樓。風送涼汐。孤燈孤影。搖長夕。將一枕清怨。數年離感。哀音零亂。付鄰笛。悵然淚輕滴。追憶但淒惻。更獨倚浮雲空羨。歸翮寒煙。暮秋無力。似別恨。縈繞舊懷。牽織滄溟萬里。倦望眼。自歎息。

仲蘧詞選

劉媛字仲蘧湖北黃安人今錄詞三首

拜星月慢

靜閣收暄。清尊催醉。柳角斜陽欲暮。一枕新涼。識微醺情緒。正初醒。試握玲瓏。畫扇斜倚。磊落冰絃。幾度悄聽商音起。循廊遲步。又西風乍落。關山樹堪憐。我醉後孤吟處。帳望綺戶文窗。擬斷腸前句。念幽閨漸覺秋心苦。彈紅淚。化作

寒煙去。怎奈向。一海秋濤。隔天涯。客路。

踏莎行

遠道秋還。高樓客去。天涯夢覺渾無緒。寒煙偏解趁西風。絲絲散盡歸何處。
複堞藏雲。遙山隱霧。閒情渺渺從伊誤。斜陽卻照斷魂歸。苔痕綠遍來時路。

蝶戀花

山上蘼蕪山下路。欲訴相思。沒個相逢處。軟語告君君莫誤。蛾眉總被秋娘妬。
淚眼留春留不住。連理枝頭。只有儂和汝。繞遍天涯千萬樹。儂心還比蓮心苦。

精衛詞選

汪兆銘字精衛廣東番禺人今錄詞三首

臺城路 題江仁知六朝花管齋填詞圖

旗亭誰擅銷魂句。花間夢痕呼醒。月語情尊。酒除英氣湖海詞場分領。鄉關軫

勝。有。隱。隱。鷗。波。萬。紅。圍。定。畫。裏。琴。尊。幾。時。遲。我。繫。烟。艇。珠。江。隔。年。小。別。記。鈿。箋。笛。譜。都。負。游。興。之。換。雙。環。丁。娘。十。索。悄。憶。朱。闌。低。憑。陳。屏。柳。井。照。潘。鬢。江。花。舊。人。能。認。共。探。雲。藍。碧。桃。開。日。等。

前調贈黃椒升

廿。年。聽。雨。江。南。客。酒。醒。却。忘。歸。櫂。喚。曲。言。愁。慰。花。博。醉。都。算。狂。遊。草。草。吟。邊。側。帽。祇。燕。燕。鶯。鶯。與。儂。傾。倒。閱。遍。關。山。清。才。那。似。故。人。好。蕩。波。憐。負。舊。約。問。玉。臺。寫。韻。訂。否。遺。稿。箏。燕。驚。秋。釵。蟲。弔。夢。併。作。安。仁。哀。悼。塵。寰。一。笑。笑。圓。月。天。涯。幾。番。年。少。明。鏡。相。逢。鬢。絲。添。白。了。

金縷曲

別。後。平。安。否。便。相。逢。淒。涼。舊。事。不。堪。回。首。國。破。家。亡。無。限。恨。禁。得。此。身。消。受。又。添。了。離。愁。萬。斗。眼。底。心。頭。如。昨。日。數。襟。期。夢。裏。重。携。手。一。腔。血。爲。君。剖。淚。痕。莫。滴。新。詞。透。倚。寒。窗。循。環。細。讀。殘。燈。如。豆。留。此。餘。生。成。底。事。空。令。多。情。儼。懣。愧。

戴。却。頭。顛。如。舊。跋。涉。河。山。知。不。易。願。孤。魂。繞。護。車。前。後。腸。已。斷。歌。又。逗。

太侔詞選

沈宗畸字太侔廣東番禺人今錄詞七首

水龍吟 白蓮用玉田韻

一從解佩人歸。湘皋零落閒風露。生來自潔。何曾見慣。吳歌越舞。莫問三生。闌紅身世。付他鷗鷺。想夜涼風定。皈依淨社。香自在。空明處。如見玉兒須妬。幃冰紗望來疑誤。分明記得。水晶簾底。窺人欲語。莫是湘妃。近來新寡。臉波流素。怕娟娟倩影。翠裙化蝶。雙雙飛去。

好事近 五月望日夜坐

槐綠漸成陰。幾陣落梅疎雨。窗際偶窺涼月。記今宵十五。香爐篆冷藥爐溫。問來自調護。靜對殘燈。無事數禁門。更鼓。

洞仙歌 有題

銀房寂寞。鎖嫩寒如水。不去尋芳耐憔悴。况日長似歲。夜永如年。那禁得翠袖
燠香孤睡。晚來無氣力。薄飲些些。半盞葡萄便沈醉。欹枕悄思量。小夢荒唐
還早。被罡風吹墜。纔記得分明。又模糊。一樹櫻花想伊柔媚。
湘簾放下。倩孤檠低照。一朵幽花向人笑。者相思滋味。懊惱情懷。怎生地。寄與
那邊知曉。歸期明日是。小婢牽帷。錯問歸來恁般早。鸚鵡忒多情。渴了文園。
干底事。呼將茶到。聽窗外風吹雨瀟瀟。算坐看無聊。不如眠了。
薄衾單枕。向邯鄲尋夢。花底迴身抱么鳳。被庭蕉打雨。簾蒜敲風。蒸驚起。更鼓
譙樓聲動。醒來無覓處。牀背銀屏。返照蘭缸嫩紅凍。摸索墮釵痕。脂粉餘馨
又嵌入。愁人心縫。鎮展轉。匡牀不成眠。怕捱到天明。歸期仍誤。
紗窗淡白。有一鶯啼起。百鳥和鳴亂如沸。把銀荷熄了。寶蒜勻將。悄思想那處
曉妝成未。花梢遲日上。一樹嬌窈。辜負東風尙沈睡。牆角走鈿車。一步還差
早。門外烏龍先吠。爭知道相逢。又非他鎮立。盡斜陽櫻桃簾底。

銀瓶索酒。拚今宵依舊。獨醉孤眠再消受。待明朝撤去。隔歲歸來也。教你禁着。幾番僝僽。三更人靜久。忽地華燈簇。擁魚軒轉屏後。小婢笑先迎。說道歸來。怎捱到者般時候。尙一晌俄延。卸嚴妝。渾不管紗窗曙光將透。

蘭史詞選

潘飛聲字蘭史廣東番禺人今錄詞七首

浪淘沙

襟江閣題壁

涼露溼烟莎。明月揚波。樓臺深夜聽笙歌。我欲乘風何處去。磨劍天河。雙鬢幾曾皤。休問蹉跎。簫聲誰爲憶秦娥。回首舊游渾似夢。夢又無多。

摸魚兒

盪湖船花天酒地。鵝潭占盡烟水。東風無賴吹新綠。雙槳趁潮而至。明月起恰三五銀蟾圓。照人初醉。深杯勸未試。喚出珠孃。琵琶遮面。香影度簾底。花田好。係舊紅樓十里。張喬無復羅綺。廿年應悔尋芳晚。霧地替春憔悴。簫莫倚。怕

紙醉金迷忘了。娉婷意。重來定記。有拍拍沙鷗垂垂。絲柳寫盡斷腸耳。

臨江仙 記情

第一紅樓聽雨夜。琴邊偷問年華。畫房剛掩綠窗紗。停絃春意懶。儂代脫蓮鞵。
也許胡床同靠坐。低教蠻語些些。起來新酌咖啡茶。却防愁婢笑。呼去看唐花。

浣溪沙 自題海山聽琴圖

夜悄王喬住碧城。許聽螺軫按玄靈。渺然天外數峯青。不倩芳詞傳郭密。媿教塵世識飛瓊。一絲瑤想指邊生。

彷彿湘靈又洛神。循絃尋夢總難分。微聞香澤似花薰。玄鶴明光空記曲。離鸞私語靜無人。斷腸清夜喚眞眞。

拋球樂 子梁招飲棗上旁晚移尊猗園賞荷

滿鏡紅蕖展。簟寬移尊重。拾舊清歡。尋香裙袂隔花見。糝玉琴絲和水彈。便託

微波語何必題詩上畫闌。

青玉案 寄眉子

落花惱殺江南路。偏又是、催人去。玉合香囊曾握語。榴裙翻酒，柳絲拂帽，認取離愁處。病妝誰畫雙眉嫵。紈扇應思斷腸句。還倩鸚哥珍重訴。荔支香裏，蒲葉吟我，我正眠風雨。

寒瓊詞選

蔡守字哲夫號寒瓊廣東順德人今錄詞二首

疎影

大通寺探梅與張琅兒同石帚句

還來就玉。宛新歡惜別。難支經宿。檢淚苔枝。蕭寺荒園。永締寒盟松竹。冥冥一見曾相識。移春檻。珠江南北。想昨宵。月峭風稜。問爾怎禁孤獨。留得酥鈿數點。待重來俊賞。峨峨雲綠。也稱吟邊。也稱香東。也稱妝窗。琴屋。此中都有仙風味。爲製箇。裁冰詞曲。把卿卿。絕世芳姿。繪上斬新屏幅。

蝶戀花 和琅兒寄懷勻

當日牆東才尺地。惱煞紅窗。變造天涯似。底事匆匆千里去。可憐歡夢成空憶。
知昨非時今要是一點靈犀。好自先為計。未拔芝芙應尙易。戀書休怕難傳遞。

爾雅詞選

鄧萬歲字爾雅廣東東莞人今錄詞二首

西施

所思何處紫茸茵。奈欲去無因。八十平都好。軟半在橫陳。咫尺歡床。遠隔如天
樣。抱玉體。疑春。朋來怕品相思艸。偏雲彩。墮儂身。畫中愛寵。瓊郎曾畫蘊香
通體圖絕工麗

名字悔眞眞。瓊郎為瓊子號思瓊
瓊子為瓊郎號心瓊最是東風。海素生銀浪。忒顛得均勻。瓊瑤俊
約豔影

意難忘。南華寺立秋夜坐與劍川趙尙書順德蔡秘書南
海潘畫師同用周美成勻四聲相依一字不易

濛艦曹溪地名昏黃。正璇題絳月。素彩闌觴。花飛脂雨膩。茶熟乳泉香。燈暈縮。袂衣

涼。費墨瀋淋浪。

時檢淚為詞寄琅子

笑少年。輒磨鏡拙。

比年廣州拆城發見古磚多奇品檢淚得兩口皆作鏡紋一圓一方

劍川尚書書輒鏡齊榜貽之

幾度偷相。

調檢銀河去夕星雙。是誰家院宇。並看牛郎。觚楞

生綺夢。鬢髻入新妝。寒玉聲臂斷瓊腸。便不寢何妨。但怎聽。因風片葉。換了秋

光。心瓊寄檢淚書有願佳期不入新秋之語吾此句乃戲檢淚也

一厂詞選

林百舉字一厂廣東梅縣人今錄詞四首

百字令題亞子分湖舊隱圖

中華民國三年十月訪吾友亞子梨里得導觀其勝溪養樹堂祖居堂為古槎柳先生故宅先生在前清嘉道間以宿學負盛名著養餘齋詩文集若干卷行世既讀其書復遊其地不禁慨然嚮往其人亞子更出示分湖舊隱圖及記屬為題詞記中頗深移居之感窮途客子讀之增歎竊以大丈夫志在四海不妨自壯故詞反慰之養樹堂廳事聯語有

無多亭閣偏臨水。儘有樵漁可結隣。句祠旁老柏大已成圍。楚儉昂藏
七尺之軀。抱之猶不盡。詞句蓋皆實寫也。

蒹葭深處露無多。亭閣是真勝地。特取樵漁來結伴。想見高人風致。養樹堂階
摩娑何限。舊跡簷花雨。吾生恨晚。詞壇未拜盟主。但是寫入畫圖。移家非遠。
莫動飄流意。他日新豐猶可作。權當岐山鳳住。磨劍十年。梨雲一室。努力向前
去。祠旁老柏。亭亭兀負奇氣。

百字令

百無聊賴。望紅塵盡處。碧雲滿眼。吟到丁東環珮句。羞譜小樓連苑。乍見疑仙
頻看頓醉。夜夜深深款。驚飛么鳳。游絲奈未能綰。世上誰不癡情。况經幾度
臨去秋波轉。一本纏綿窈窕帳。便是他生須算。避妬裝疎。消愁強笑。兩下原無
舛。祇今一覺。夢回客裏孤館。

減字木蘭花 美人笑爲馮春航賦

桃花一面頓覺乾坤春氣遍。添上微渦攝盡騷魂骨也酥。千金欲買猶是淺人癡見解。怪得周王。夜夜烽煙弄萬方。

瑞鶴仙題春航小影

羽衣天外落。想曲罷淒涼。舞條柔弱。仙魂正飄泊。自亭亭不語。似嫌情縛。善才懶學。乍迷離時妝勝昨。恍輕裾窄袖。誰家狹少。五陵彈雀。綽約憐儂何日。步挽香車。坐假瑤閣。櫻桃笑索紅綃。真個籠着底。一春負了。江雲浦月。又把芳心暗託。看猶愁。明鏡欺人。留塵掩却。

定禪詞選

黃瀾字定禪廣東梅縣人今錄詞一首

揚州慢

丙辰五年三月擬訪亞子未成行而亞子以避兵旅滬貽題分湖舊隱詞詩弗盡意用白石自製曲韻倚聲呈亞子并寄松江朱鴛

南國名都湖山佳處。雕鞍繡屐。行程望。輞川竹里。瞻幾個。青青問春水。干卿底。

事八公。草木是處皆兵。莽重昏。古戍寒笳。煙水愁城。兒郎唱偉。甚霓裳羽舞。都驚。只鶯脰漁歌。鹿門月照。聊寄高情。七十二峯峯畔。春正曉。花落無聲。便論文樽。酒相期。無負平生。

吉樂詞選

王漢章字吉樂山東烟台人今錄詞一首

生查子

聞某君有安重根傳之作隨意諷詠得句數四適合此調因略竄數字以協律

三韓俠少年。異世留侯也。漫道大功成。却共蟲沙化。華表鶴歸來。石上藤蘿謝。隻手挽狂瀾。莫補江河下。

前調題藝棠肖像并寄之都門

憶昔義陽遊。三載隨緣住。吾去汝東歸。汝送吾南去。無聊展寫真。依舊葵園路。花發草堂前。想見當時處。孟頫詞選

鄧家彥字孟碩廣西桂林人今錄詞一首

浣溪沙 獄中作

涼月如鎌寂照時。隔簾花影認參差。玉樓深鎖漏聲遲。
無奈衾寒眠不足。却憐夢斷力難支。曉來猶自寫相思。

更存詞選

陸嶠南字更存廣西容縣人今錄詞五首

減字木蘭花 詠絮

幾多風雨可能留得。楊花住。飛上妝臺莫共殘。紅作陣來。
柔條倦舞。吹絲不減。相思苦。憐汝憐儂。得化浮萍有日逢。

十六字令

譜。卜盡金錢音信乖。鏡花落。夜夜費疑猜。
閒。月午紗窗尙未關。遂西夢。遮莫早飛還。

卿眞個銷魂特地情。鞦韆下背立也盈盈。
緣十五樓頭月正圓。圓還缺。夜夜恨嬋娟。

天民詞選

呂志伊字天民雲南思茅人今錄詞二首

臨江仙 別意

記得江干春送別。暖風香度薔薇。臨行握手問歸期。柳纖裙帶緩。花重帽簷欹。
破浪乘風何處去。浮橋小立如癡。目窮千里鏡難窺。海圓天欲合。船迅岸疑飛。

記得長亭秋餞別。曉霜微醉楓林。將離欲語費沈吟。衆前頻接吻。鬢戟慣能禁。
汽笛一聲郎去也。車輪碾碎儂心。相思淚濕薄羅襟。白巾招展處。殘月漸西沈。

荔丹詞選

張光原字荔丹四川富順人今錄詞二首

換巢鸞鳳友人歸國卽題其像誌別

風雨蓬山看龍蛇匝地鼓角驕天生憎髀肉長不耐酒杯寬紅羊燒劫沐猴冠
更誰許他三年五年煙塵滿又歸去馬前韓范休慢時已變東海潮高磨我
刀和劍一卷陰符滿船明月從此將軍歸漢南北東西縱輪蹄陣雲彈雨司空
慣將綠水與青山血花紅濺

如夢令前題

不怕竈鸞囚鳳只怕魯和鄒閔這樣好頭顱能有幾多相送珍重珍重往事而
今還痛

弘一詞選

李凡字息霜道隸天津人爲僧後號弘一今錄詞五首

唱火令

故國鳴鶯。垂楊有暮鴉。江山如畫。日西斜。新月撩人。窺入碧窗紗。陌上青
青草。樓頭艷艷花。洛陽兒女學琵琶。不管冬青一樹。屬誰家。不管冬青樹底影
事一些些。

高陽臺 憶歌者金郎

十日沈愁。一聲杜宇。相思啼上花梢。春隔天涯。劇憐別夢迢遙。前溪芳草經年
綠。只風情辜負。良宵最難拋。月上歌簾聲咽。秦簫而今未改。雙眉嫵說江南
春老紅了櫻桃。忒煞迷離。匆匆已過花朝。游絲苦挽行人住。奈東風冷到溪橋。
鎮無聊。記取離愁。吹徹瓊簫。

滿江紅

皎皎崑崙山頂月。有人長嘯。看囊底寶刀如雪。恩仇多少。雙手裂開鼯鼠胆。寸
金鑄出民權腦。算此生不負是男兒頭顱好。荆軻墓。咸陽道。聶政死。尸骸暴。
儘大江東去。餘情還繞。魂魄化成精衛鳥。血花濺作紅心草。看從今一担好山。

河英雄造。

菩薩蠻

燕支山上花如雪。燕支山下人如月。額髮翠雲鋪。眉彎淡欲無。夕陽微雨後。葉底秋痕瘦。生小怕言愁。言愁不耐羞。

曉風無力殘楊嬾。情長忘却遊絲短。酒醒月痕低。江南社杜啼。痴魂銷一捻。願化穿花蝶。簾外隔花陰。朝朝香夢沈。

浚南詞選

林學衡字浚南號衆難福建閩侯人今錄詞九首

菩薩蠻 春詞

春宵獨自卷簾幙。相思兩地燈花落。莫倚小紅闌。風吹羅袖寒。寒時愁幾許。只是無言語。鸚鵡不知愁。低聲喚未休。

海棠院落春光冷。玉階腸斷箇儂影。綠葉吟成陰。琴聲深處尋。思空量夢憶。

安得如儂意。風露劇淒清。和衣坐到明。

前調送別

芙蓉半是離人淚。紅痕染就秋江水。哀雁一聲聲。可憐長短亭。垂楊江上住。解繫人愁住。殘照掛西山。何時君復還。

蝶蠻花 春夜閨思

檻外桃花千萬樹。今夜東風不解吹愁去。花落花開愁欲暮。庭前記否春來路。背對銀缸誰共語。明月圓時却憶紅樓雨。鸚鵡有情猶絮絮。羅衾依舊人何許。

摸魚兒 紅豆

記前身託生南國。千枝艷影消瘦。鸚哥啄去餘殘粒。入骨玲瓏紅透。花落久任拋向池塘。打起鴛鴦。鵝鴛。淚飄杯酒早絳蠟。燒殘頰珠解贈密意。問誰受。銀屏裏。記曲憑伊纖手。最憐生世非偶。星星淚點如珠落。肝胆爲君輕剖。春去後。便

網。到。鮫。綃。朱。實。盈。襟。袖。相。思。永。晝。算。只。解。憐。儂。東。風。日。暮。心。緒。尙。依。舊。

金縷曲 春柳

寂。寞。郵。亭。路。正。春。風。倡。條。冶。葉。依。稀。無。數。攀。折。應。添。游。子。恨。裊。裊。含。情。欲。舞。問。
那。得。愁。絲。縷。縷。夢。醒。隋。堤。人。已。遠。玉。鈎。斜。也。算。相。思。處。垂。淚。立。澹。無。語。腰。肢。
底。事。輕。如。許。便。悽。清。和。烟。和。月。閱。殘。今。古。記。否。靈。和。前。殿。事。嫵。媚。風。流。僅。汝。便。
欲。寄。纏。綿。容。與。消。息。玉。關。何。處。問。又。聲。聲。羌。笛。吹。愁。去。空。悵。望。日。將。暮。

賀新涼 贈知淵

自。是。儒。冠。誤。嘆。平。生。子。山。蕭。瑟。少。陵。遲。暮。說。劍。吹。簫。無。限。意。我。亦。深。情。似。汝。祇。
惘。惘。相。看。無。語。並。世。尹。邢。君。得。一。倚。風。前。惹。起。花。爭。妬。恨。不。盡。江。淹。賦。女。媧。
有。石。天。難。補。問。東。皇。同。根。蘭。芷。託。胎。何。苦。錦。瑟。華。年。聲。掩。抑。一。段。幽。懷。誰。訴。請。
鴛。牒。從。今。添。註。珍。重。人。間。連。理。縷。細。思。量。莫。任。芳。時。度。歌。一。闋。愁。無。數。

蘭陵王 送精衛赴法兼訊璧君夫人

月痕碧。滄海鮫人似泣。長亭近。休唱權歌。只恐春聲已難覓。江城又送客。誰遣
梁鴻去國。君行矣。花外綠猗。憑共風帆送山色。雲天遠無極。賸倦侶凭欄。吹
出玉笛。聽風聽水。追行跡。悵曲終人杳。離樽猶滿。拚教清淚墮瑤席。羈愁亂如
織。堪憶小樓側。正海燕雙飛。風送輕翻。巴黎到日荷花隔。值海上青鳥問荅。
消息神州回首念世變待戮力。

小柳詞選

陶牧字小柳江蘇南昌人今錄詞三十首

多麗 簡病倩論詞

夜燈浮。期君話雨簾鉤。共商取填詞情事。樽前唱破珠喉。最魂銷曉風殘月。又
斷腸玉字瓊樓。不薄三唐。何譏兩宋。略工感慨亦溫柔。打疊起酒旗歌扇。一例
付閒鷗。而今歎。江湖渺邈。鎮日東流。折花枝有誰寄贈。添來舊恨新愁。寫傷
春青袍如故。抱孤憤白髮空酬。歸雁飄零。寒蟲瑯瑯。頻勞歌板幾時休。祇留得

登場面目冠帶沐頑猴。低徊遍琵琶彈折。莫怨江州。

鶯啼序 爲蔡哲夫題漢六花鑑

荒苔。綉開玉匣。記尊前醉舞。六花折香透芙蓉。可識羞影鶯去。認斜日茂陵草。色。東風幾度。拋烟雨。說沉埋。多少英雄。歲華磨處。霧散潮青。徑暈黑。付千秋萬古。鑑流水。肝胆俱寒。劫灰敲落。棋譜只江湖。依然一夢。畫樓遠。垂楊何許。想當時。粉黛無顏。漢宮春聚。賞心蔡子。掛杖錢多。定歌得寶句。獨賴汝錦囊收。拾螺光。紐凝篆額。痕淺。屈刀輕舉。摩挲已遍。裝潢如靜。西京迢遞。誰相託。問知音。尙在人間。否。清吟伴我。休憐對此。鬚眉照眼。共數朝暮。關河瑟瑟。舊恨新愁。纈鬢絲。繫住。莫再話。龜年天寶。酒後茶餘。雀瓦空留。獸磚空拊。紅顏薄倖。重圓難再。塵汗擾亂。隨吾老。說興亡。淚染千條。組期君除夕。攜來不用金簪。偷聽吉語。

菩薩蠻 對雪

濕雲一夜吹成雪。東風日暖全消歇。依舊做輕寒。棉衣尙覺單。銀燈光欲凍。處處殘更送。零落是殘更。關心第幾聲。萋萋草綠閑庭宇。春來可是當年路。春早莫歸遲。江南三月時。子規啼不住。花落無人處。樓外有青山。山山夕照間。

春風裏娜 俱感

怨東風。苦苦做盡春陰。吹已遍。竟難尋。任楊枝牽起。閑情。疊疊梨花落去。曲院深深。眼底斜陽。樽前絳蠟。不是平常。杯酒心。最怕清歌幾。惆悵那堪。殘漏欲消沈。江上又逢商婦。琵琶淚。濕衣襟。底事動狂吟。憐歸燕。失青禽。因妨後夜。卻負而今。新恨雲山。依然無路。舊愁塵海。默少知音。相思何處。託西窗。月影年年。照出一抹疏林。

渡江雲

久客燕京得遇高鈿
劍陳去病填此誌之

好春歸去也。踏殘綠草。又開落紅花。遇君同一笑。對酒言歡。仍舊是天涯。滄桑笛裏吹纒了。衣上風沙。吹未盡。斷腸詩句。窗外夕陽斜。無家等閒雙燕。可慣

飄零問堂前王謝。尋疊疊行雲相送。多少年華。淚痕只向青衫染。惹各愁彈折。琵琶愁幾許。闌干曲曲難遮。

菩薩蠻

隔牆綠樹籠新月。朦朦猶覺春雲薄。何處覓殘春。春歸不見人。去年今日裏。入夢空相憶。深鎖十三樓。清歌蕩昔愁。

鶉啼枝上禽填石。相思端賴明珠織。宛轉說相思。量珠粒粒癡。幽蘭空谷渺。陌上蕭郎老。卻莫怨蕭郎。閒情比陌長。

好花只被春耽誤。春歸正在花深處。底事負春花。懷人曲檻遮。芳塵勞目送。塵壓羅衣重。依舊是羅衣。門前路轉迷。

路迷更覺天涯遠。盈階芳草風吹亂。草落怨王孫。琵琶搵淚痕。江流都化淚。可解人憔悴。欲問那人心。殷勤託綺琴。

海枯必到桑耕盡。浮萍色與天桃綻。萍綠間桃紅。應知色本空。燭灰同話劫。

鬢影羞驚雪。雪與劫俱銷。誰能慰寂寥。

滿江紅 與慧階同攝小影時客濱江

一笑相逢。回首在關山何處。同證此三生燈火。半簾風雨。老我青衫長劍。落依人白髮清樽。誤說狂名收拾已嫌遲。貧如故。憐舊夢。閑鷗去。傳新恨。閑蟲苦。問門前垂柳。斜陽幾度。滄海蒼茫拋熱淚。秋花蕭瑟。迷歸路。聽征鴻。萬里和殘更。聲聲訴。

琵琶仙 滬上徵歌近無彈琵琶者凄然占此

迴想當年。可聽取怨曲琵琶淒絕。誰料拋卻青衫。歌聲頓消歇。休坐洗檀槽。淚迹算閑了。幾番風月。軸轉情移。更闌酒灑。愁共啼鴉。又還在銀燭秋堂。想懷抱。香濃縐衣褶。曾伴綠鬟低唱。苦涼州哀徹。留萬古興亡。歎賞。盼夕陽。眼底相識。鼓斷絃索。樽前細堪重說。

浣溪沙 和映齋韻

小院深沈月上遲。背人剪燭意多痴。翻新巧樣畫雙眉。燕子殷勤嬌欲語。鸚哥調笑學吟詩。妝成鏡裏費矜持。

洩漏春光事竟成。消魂風雨隔重城。誰將金彈打流鶯。不爲顏酡辭綠酒。祇緣簾密閉紅燈。關心第一遠歌聲。

碧海冤禽未放歸。斜陽消息盼春菲。天涯柳絮作團飛。燭淚空拋悲永夜。琴心誰識撥清徽。石屏深坐勸添衣。

眼底名花霧裏看。東風吹暖可知寒。不禁飄落上欄干。一水波通情作繭。九華雲隔夢登山。誤渠強半是紅顏。

蛛網迷離舊日樓。暮烟銷盡幾多愁。相思兩字滿銀鈎。爭奈更殘傳夙恨。莫從花落憶前游。有人窗外倦凝眸。

車馬聲。驕踏軟塵。紅墻咫尺惱黃昏。當年深鎖畫堂春。舞扇盈盈拈斷帶。銀杯疊疊苦停雲。怕聞清漏幾迴身。

窗格玲瓏挂夕霏。爐香冷熱篆絲微。倩誰爲我借天衣。因解彈琴愁讀曲。恐
堅後約誤前期。海棠開落更思歸。

菩薩蠻 哭子美并簡亞子

招魂悵隔蘼蕪路。清歌零落風前絮。天上又人間。春歸不等閒。相妨才命薄。
命比才還惡。小宋最風流。空餘一斛愁。

三姝媚 題天梅變雅樓三十年詩徵

夕陽依舊好。照如此江山。幾多恨事。獨坐高樓。與破書殘。酒料量。詩史歌哭。無
端思拔。劍聞雞而起。三十年來。眼底滄桑。盡隨流水。早識流風消靡。賴小有
閒吟。寄予情味。一樣清狂。指名姬駿馬。綠楊陰裏。怕聽催歸。却又到杜鵑啼死。
收拾奚囊。寫遍相思滿紙。

浣溪紗

暮鳥聲催細雨遲。溼雲壓損海棠枝。者般憐惜却因誰。未到黃昏人約後。竟

成紅落絮飛時。一番驚恐。一番疑。

六幅屏山幅幅開。鑪香環繞。飛來此中消息。等閒猜。只怪游絲牽恨起。苦

無重幕。閉春回。日邊紅杏聽人栽。

薄薄單衣逐麴塵。飄零淚迹。等秋萍。絕憐同是未亡人。莫教涼風欺粉臉。新

翻怨曲。逗朱唇。閒愁滋味在工頻。

瘦損腰支。懶上粧。為伊斷盡幾多腸。王孫歸夢草茫茫。無主樓臺同寂寞。入

簾鶯燕欲清狂。相思豆。也不能量。

摸魚兒 中秋

知秋光等閒又到。西風涼人窗戶。不堪愁對團圓月。叢桂幾經香聚。燈畔語。只

訴盡階前黃葉飄零苦。夢歸無路。見疊疊遙水。潺潺流山。黯黯望邊樹。孤客

裏。剩有傷心詞句。劉郎怕說前度。千生萬劫。人間恨。碧海青天何處。啼雁住。誰

却憶長安車馬衣塵土。相思成縷。怨來日幽長。今宵淒絕舊事。匆忙去。

前調 和劍華見贈韻

說相逢。正秋風到。行蹤愁聚。萍水一生幾墜。天涯夢歸。夢被蟲驚起。蛩咽地。却莫共。匆匆燕子。思鄉里。翦燈眠未。苦漏短宵長。新寒衣薄。窗幕層層閉。征鞍卸。滿眼塵沙世事。一枝殘柳誰倚。絕憐我。鞦韆頭將白。都在扁舟浪裏。歌未已。算只聽。盲詞談笑。興亡史。牆邊樹底。知木葉飄零。閒花淡泊。剛又重陽是。

菩薩蠻 重九并塵劍華

秋風思釀重陽雨。層陰鎖盡庭前樹。佳節又重陽。哀鴻未到家。年年添舊夢。夢與閒愁送。愁也不能多。將愁織薄羅。

一翦梅 重九和樸庵韻

人事飄零逐露華。秋也無涯。愁也無涯。重陽風雨濕蟬紗。愁到閒花。秋到閒花。天外聲催落葉斜。屋角翻鴉。鬢角堆鴉。思歸渺渺碧江賒。鬢角霜遮。屋角雲遮。

摸魚兒 約樸庵遊西湖歸作并簡劍華

繞孤城夕陽烟柳。東風吹綠湖水。小橋一曲紅牆遠。怕聽曉鶯啼起。芳草地已踏遍。軟塵陌上人千里。庭花開未。覩閣啓澄瀾。堂開宛在。燈火重簾閉。西湖好。多少興亡舊事。闌干思與共倚。漁舟一葉春山外。處處權歌聲裏。歌不已。知幾輩沈埋功罪歸青史。浮雲眼底。問駿馬名姬。征衫杯酒。鷗鷺更誰是。步曾詞選

胡先驥江西新建人今錄詞一首

憶舊游 懷仲通步玉田寄元文韻

看西山已老。落盡桃紅。飛絮飄零。舊夢尋難著。剩心田半頃。種遍愁根。滿地槐花榆莢。夏木葉深深。恁只。羸片紙。爲寄殷勤。重逢竟何日。尙記得徘徊剝海。綠陰濃處。同覓殘鶯。忽忽又經年矣。回首暗心驚。不語對中天。更闌燭灺。涼氣生。

栗長詞選

胡穎之字栗長浙江山陰人今錄詞一首

鶯啼序 爲哲夫題漢六花鑑用夢窗韻

看春尙留倦眼。笑銅仙灞水。問人世幾閱興亡。飄流今見金蕊。乍入手銀蟾綉彩。殘脂剩粉似稀墜。認前朝頻自摩挲。頓生幽思。當日修蛾鬪巧妬好。望羊車帝子。悵真個分別妍媸。對觀情又獨至。萬千年啼紅怨綠。早圓缺都歸彈指。念菱花新樣同裁。未知何意。香歛暫設。畫檻還臨。盎古歡寤寐。誰記省覆翻雲雨。向背無定。露葉風枝。暗含清淚。猶堪共話。牽衫著釧。秋屏重照山雞舞。舊容顏更必添憔悴。繁華易歇。銷魂太液池邊。斷腸未央宮裏。江湖醉客。綵筆千時。嬾咏吟翡翠。儘賞玩敲殘壺唾。面擁書城。五夜烟浮。半天霞起。精靈氣盪。沈沈心事。迷邦懷寶同贊歎。鬢絲涼且傍妝臺倚。空憐顧影聞聲。寫得相思。寄將鳳紙。

十眉詞選

余其鏘字十眉浙江嘉善人今錄詞二首

虞美人 探梅

羅浮仙人年嬌小。未露春懷抱。相逢一朶不曾開。負我多情杜牧訪春來。他時重到江南地。只恐成陰矣。今朝難折未開枝。拚得拘愁歸去儘相思。

滿江紅 送春有感

落盡庭花。只留得幾枝空影。又做了一場花夢。春歸纔醒。草上空餘蝴蝶粉。陌頭剩有弓鞋印。更被他風雨一番催。都消盡。蕭娘遠。全無信。蕭郎瘦。常如病。借填詞消遣。聲聲是恨。月下闌干難共凭。花前樽酒曾同飲。把十年舊事細思量。傷春甚。

懺慧詞選

徐自華字寄塵號懺慧浙江崇德人今錄詞九首

如夢令題畫

數點胭脂春透。片石嶙峋雲透。烟雨斷橋西。風景可能依舊。孤負孤負。臨水一枝疎瘦。

菩薩蠻題野梅畫幅

輕烟颺雪。春光冷山邨。水郭橫斜影。不傍繡簾櫳。清臞隱士風。人憐花似玉。花莫嫌人俗。鎮日畫圖看。和儂耐歲寒。

摸魚兒爲楚俗居士題分堤弔夢圖

甚蕭條幾株垂柳。絲絲淒碧如許。畫堂午夢頻番冷。贏得風風雨雨。憑認取。道媚絕三妹。此是吟秋處。靈蹤一去。歎月黯疎香。花殘芳雪都付斷魂句。瓊樓杳誰燕返。半香炷空聞涼雁。私語溯煙湖水。年年綠不見一家詞賦。君莫苦。幸未把瑤釵玉佩埋黃土。聞前吳江縣令王佛雲爲修墓得玉釵佩各一事蒼茫平楚。問何日梨花載將春釀來拜小仙墓。

意難忘 秋宵憶韻清

卸却殘妝。聽梧桐疏雨。灑上紗窗。銀缸頻剔。燭。寶鴨燼餘香。愁萬種。未能降。獨
自倚銀牀。因甚的秋聲淅歷。今夜偏長。惹人觸起愁腸。憶當年舊事。多少思
量。晚妝憐嫵媚。花壓鬢雲。傍明月下。按霓裳。此景再難忘。更夜靜。殷勤細語。露
冷風涼。

渡江雲

霜風吹漸緊。蕭蕭落葉。寒意透窗紗。吟秋人瘦也。憔悴無言。翠袖捲簾斜。憑高
凝望。惟只見。隔水蒹葭。更數點。碧空飛雁。一片暮雲遮。堪嗟。幾分愁緒。一霎
年華。憶前遊如夢。已過了三秋佳景。孤負黃花。而今試把秋光問。問明年落在
誰家。秋無語。怕教海角天涯。

滿江紅 感懷

歲月如流。秋又去。壯心未歇。難收拾。這般危局。風潮猛烈。把酒痛談身後事。舉

杯試問當頭月。奈吳儂身世太悲涼。傷心切。亡國恨。終當洩。奴隸性。行看滅。
嘆江山已是金甌碎。缺蒿白蒼生。揮熱淚。感懷時事。歎心血。願吾儕。煉石效媯。
皇補天闕。

前調 雪夜課兒

大地茫茫看白戰。終宵未歇。簾捲處。彤雲密佈。朔風凜冽。世界三千都變。玉霜
闥一色。渾疑月喚嬌兒。且讀舊楹傳。柔腸裂。熊丸課。期望切。三遷教。慚難及。
歎淒涼身世。那堪重說舊事。已隨流水去。新愁只付鶻啼血。剩寒燈百感。上心
頭。乾坤窄。

金縷曲 送瑋卿之滬時將赴揚州

送子春申去。好無聊。做愁天氣。風風雨雨。萍梗江湖。成浪跡。十事九同意。忤誰
解。得用心良苦。僕僕塵勞。嗟不已。問今宵。別後何時聚。君去也。留難住。臨歧
記取叮嚀語。慎風霜。客中珍重。勤傳魚素。聞說揚州烟景好。載酒虹橋。秋暮有

幾許豪遊佳句勞我。兼葭秋水。感望伊人。不見知何處。空日斷江南路。

百字令 中秋夜對月寄巢南小淑

明蟾如鏡。只照儂一箇。愁心凝結。悵望西溪何處是。碧海青天遙隔。瘦影微吟。清輝冷透。香霧雲鬟溼。把嫦娥問。幾家孤負。佳節。那堪獨上高樓。樓高人遠。隔院飛長笛。記得去年吳苑景。同倚曲闌干碧。水調聞歌。霓裳翻譜。笑指團團月。可憐今夜。映人三處。離別。

小淑詞選

徐蘊華字小淑浙江崇德人今錄詞十一首

惜紅衣

往歲旅居吳淞數繫艇石公長崎間汗澇荷花數十頃夏景幽寒終日但聞泉響每值夕峯收雨湖氣彌清臨去愴然欲索李隱玉表姊寫意王碧棲詞丈題冊而未竟病窗經歲轉眼薰來曉起舒襟偶填此闋以寄意

盆石堆冰。屏紗障日。曉來無力。強起推奩。含情鏡花碧。藥薰細裊。引軟燕簾前。噴客。澹寂。一枕藤陰。約溪人將息。蓮汀柳陌。來去鳴篴。舊遊半陳迹。經年興

致銷夏灣西北。載得米家書畫。烟水刺船尋歷。祇半鋒殘。雨猶待碧山詞筆。

齊天樂

庚戌夏秋道署劉莊晚值平湖雨過紅香狼藉盪漿荷叢歸橈寫此戲足玉溪之意

蓮飆不約斜暉住。宜招北窗詩侶。柳際波微。堤根葉細。纔看雙鳧眠處。平湖過雨。愛攜笛瓜皮。倚流容與。瑟瑟紅衣。誰家樓上玉溪句。亭臯搖落又暮。涼波三十六。留聽淒舞。千點濛香。三更敗翠。惹得驚蟾窺顧。江妃漫妬。恁彈指西風。暗中年度。只憶深宮。有人曾怯暑。

百字令 庚戌冬日游虎邱

看山舊客。正冬荒冷落。羣花都息。眼澗斜陽。搖水外塔杪。登臨奇絕。小侶吟詩。奚奴載甕。一笑閒游歷。層層林磴。幽尋穿盡寒葉。歸愛轉權煙流。疎牕冷語。悄隱溪聲。寂掠鬢野風。渾不醒。苦被垂楊承睫。折葦攙青。浮鳧弄綠。吹待千村月。一船休去。鬻洲無限漁笛。

思佳客

南社頻索初稿病榻經春束屐未報近見卷中稍載數年前西溪斷句明日黃花奚足供詩人一粲哉因書此謝之

蓮社詩人愛掛錢。強收樽櫟付吟邊。別來思舊難成賦。倦去停雲莫繫年。秋
易老。鬢空妍。少年心事病來禪。幽居唯覺溪山好。乞與鷗鷺次第眠。

意難忘

薄暮視鑑湖舊舍歸沿河往
浦灘耕窗寫感有寄慧僧

遮眼高軒正冷楓。搖落雁思初繁。驚秋無恨。意撫鬢已微髡。遘北轍。折南轅。泣
是未歸魂。苦眼中紛馳。長路馬殆車煩。傷情冪外霜痕。有涼燈吐暝。市吹流
喧。林陰分域界。鈴語破朝昏。思往事。略溫存。賸日定難言。漸付憑誰家。管領水
陌花。噉。

點絳脣 題自繪越牡丹雙帶鳥帳額爲洵芙四姊作

雲染鮫銷。金臺細葉開秋壁。越香千疊。一笑南薰力。繡幕藏姿。不賽沈香客。
今難覓。夢回煙歇。狂寫雙禽息。

前調 題自繪雙燕白蓮花帳額

舊是凌波。丰姿欲共江妃賽。新來愁寄。煙態誰能繪。翠羽參差。猶作深憐意。

尋無寐。野風門外涼。月應初墜。

新雁過粧樓仲可叔父命題純飛館填詞圖卷

翠宇高寒。銀箏澀。猜疑夜夜停鸞。舊聲入破。誰念刻骨家山。鬢髭仙蹤。追罨畫。低徊密記。補金鬢。賸無端。瑣窗玉戶。江雨霽闌。勝情裝池半幅。有古春送眼。淺繡成斑。鄭箋無分。驚歎顧曲才難。匆匆一庭謝絮。沾題處。凌滄應笑。犀方回。老只斷腸。愁句流出人間。

聲聲慢

歲莫哀感忽得陳柳諸賢先後手柬或約西嶺之探尋或徵勝溪之題咏緬想世外遊儕獨能以無懷為樂也因譜此曲奉題分湖舊隱圖後

鷗夷泛舸。鶴市吹簫。羈心早晚秋潮。且向臨邛琴臺。酤肆堪消。休標向年高意。對疎香。芳雪凝銷。傷神事。况松森永久。野曠蕭條。一角西山可住。甚賦矜孫。綽資薄。郗超藏海藏山。人間無地。歸橈獨臨。畫圖深。惘顧淮南小隱。能招滯情。地想帆過別墅。正遙。

壺中天 巢南先生既刊笠澤詞徵客有
爲畫徽獻論詞圖卷因題其後

雲巢垂看。記當年淺鬥。茶傾籤滿。一枕麝。茶沈睡。後賸補。吳儂橫。卷流衲。交光
浮眉高映。綽約冰花散。珮環夢裏也。應低拜沾選。深念秋漠。聆笳。炎飆障扇。
辛苦商量偏。舊卷千行重疊。是新卷。疎疎誰按。一髮青山。雙聲越縵。只付霜縑
展。澹仙情。淚。怎堪重被紗浣。

醜奴兒令 楚僧居士囑題分隄弔夢圖

凝情最是堤前柳。煙也模糊。水也模糊。欲訪靈蹤。意已孤。詞人怎識蕉牕夢。
吟也生疎。畫也生疎。一片蒼涼。話舊墟。

次公詞選

邵瑞彭字次公浙江淳安人今錄詞二十四首

羅敷豔歌 潘蘭史桃葉渡填詞圖

多情最是秦淮水。載過王郎。又載潘郎。累得紅妝打槳忙。
箏絃笛孔閒商略。

只管疎狂。全不隄防。隔岸秋孃欲斷腸。

臨江仙 萬柳堂

楊柳樓臺何處是。名園分付荒郊。都無蠻樣鬪纖腰。都無燕子彈淚話前朝。一種西風誰主客。怨娥愁上林梢。詞人易老况金貂。搖鞭歸去聒耳梵鐘遙。

夢橫塘 頤和園

嵐光勻碧。水色接藍。故宮離苑何處。一夜西風看換了一平番。今古銅鞮驚秋。金仙辭月。樓空人去。讓多情兒女來話興亡。雷塘夢江南賦。愁雲冷煞椒房。更漁歌寂寞。佛火淒楚。賸黛零鉛。麝化作滿天飛絮。對隱隱涼花病蝶。門外青燐黯。無語如此。湖山可憐。齊付與東華塵土。

月華清 月張園聽秋

淡月依窗。微霜戀瓦。一燈搖夢紅暝。多事秋聲作出者般淒哽。算天涯情味。那當又付與西風催醒。誰省有幾家客子。傷心同聽。不怨殘宵偏永。怨落木無

百一十一
端欺人愁病。水遠山長。回首祇成銷凝。儘數伊響。到明朝。可念我和衣閒等休。
更想寒砧咽處。轆轤金井。

徵招

香家在陶然亭西北小阜上碑陰
題句哀豔予讀而悲焉係之以詞

西風殘照城南路。紅鷗悄然無語。短短瘞花銘。付荒煙涼雨。秋魂還在否。恍遙
夜佩環曾遇。萬劫情天一場春夢。可憐黃土。莫漫上江亭。江亭畔誰禁。平者
般悽楚。胡蝶尙雙飛。問靈修何處。曇雲留不住。剩吟斷庾郎愁賦。角聲喚忍淚
歸來向燈王深訴。

蝶戀花

一翦香風吹夢語。墮入春懷。種出思想樹。不消靡無江上路。繞簾鎮日迎梅雨。
宿酒醒時天欲暮。分付楊絲。好繫斜陽住。百草千花無覓處。館娃宮裏聞歌
舞。

紅玉輕寒春睡美。夢裏吳宮。何止三千里。一桁楊花吹欲起。離心直渡清江水。

未。莫唱淒涼河滿子。怕有人兒聽了相思死。好事今生長已矣。月華天半開還。

滿院吳煙花未醒。牆下人兒。牆上人兒影。殘月漸離。漸暝玉階悄。立羅衣冷。雨橫風狂胡蝶病。隔水高樓。可有雲鬢凭。蕩子行行瓶落井。轆轤無力牽脩。

草。迢遞朱樓春事好。七貴三公。走馬長安道。門外烏啼天又曉。人生容易被花惱。不恨孤鴻歸太早。只怕來時。沒个音書到。錦字裁成君莫笑。玉門關外無芳草。

醜奴兒令 春水

桃花雨過春潮起。樓上明眸。江上輕舟。如畫林巒帶夢浮。魚天一角東風小。綠意芳州。紅怨漪流。中有人間萬斛愁。

菩薩蠻

江南游女新妝束。枕痕紅沁堅牢玉。捲幔看垂楊。一絲三尺強。些兒寒食散。當作梅花嚙。不願口頭甜。寧教石闕銜。

頗黎窗冷黃昏小。畫眉聲裏春歸了。夢醒轉疑真。海棠花笑人。新詞看不足。

更點雙紅燭。那若戀天涯。從郎索臂紗。

玉階風細花無力。滿衣紅霧銀蟾溼。吹得夢魂清。雲和三兩聲。天涯何處是。

疑在闌干裏。漸漸被池寒。知君眠未眠。

茗華小印紅絲籀。錦箋寄與誰人手。玉釧動簾鈎。此時剛倚樓。蘭宵燈影白。

閒看花間集。好句愛南唐。聲聲夠斷腸。

清平樂 題方瘦坡香痕齋影集

新詞幼婦。花落微波縹。沈水燒殘圓玉瘦。脈脈討春時候。晨鈔暝寫偏忙。何

曾自訴清狂。也似和凝才子詩名。嫁與冬郎。

長亭怨慢

亞子分湖舊隱圖會以此詞句題之意有未盡再成此詞

記一抹修眉浮處。復翁取昌黎天空浮修眉句爲浮眉樓見劉醇甫記翠柳遮樓。碧梧侵戶。韻咽瓊壺水。

村風味入琴趣。雁牋凝素。恍飛到湖天路。月色故依然。只少件。鶻聲人語。陳叔梁題

分湖柳氏草堂句延佇怕烟波回首。化作淚綃紅聚。梨雲罨夢。儘孤負櫻桃。

人語鶻聲諸港曉春雨問他日穩踐。溫盟可許我移家。同去有畫裏珠簾。盼煞詞家尊俎。

摸魚子 武強溪上賦竹篴

小溪頭一痕蒼玉。凌空蕩漾烟水。鱗紋隔浦。亭亭綠重。認袖羅寒。翠來便逝。怕彈徹。篴添上。湘娥淚。春朝未起。儘短荻牽情。香淺。髮夢人抱冷雲睡。溫盟好。休歎浮沈身世。江湖畢竟非計。沿村畫斷。篴管雪撐。老幾家漁子。何況是正。葉葉輕風。暗換流紅意。蘭津悄指。笑石畔。銀灣壺中。瑤席殘影。尙天際。

曲游春 予最愛蕭齋曲游春詞因憶壬子春間流連湖上情事追填此解卽步其韻

西子歸來未。喜玉鈎雙卷。波共簾織。柳外黃昏。小檀欒壓水。萬荷無隙。鐙火重城隔。正倦倚畫闌吹笛。等月華湧上。南屏重看。一湖春色。遠陌明霞垂碧。有

隄礙輕橈。橋阻香勒。遙夜生涼。付雲藍墨。澗。淚紅紗。霧烟冷。催寒食。聽古寺疏鐘。敲寂。只少年。冶夢成塵。遺愁未得。

齊天樂 牡丹

朝雲吹熱。闌干影。春情故園初透。皎淚量波。龍香揭夜。魂斷豔歌。芳酒韶光易負。看舞倦金釵。有人垂手。說起相逢。不辭延佇。爲君瘦。傾城恩怨罷數。膩紅開未了。題句難就。剩月瑤臺。零風錦幄。付與尋常花柳。游仙夢久。願重倩。啼鶻祝伊長壽。軟入塵衣。客懷渾似舊。

踏莎行 孫爾安小照

殘月明湖。荒烟畫院。當初只是尋常。見雙成宅。畔又逢君。滄桑愁。歷吳船。滿白。雪詩香。青氈夢暖。鏡中顏色。何曾變。東風萬一許。相干休。教吹皺。觀河面。

甘草子

將暮撲面香塵。燈影迷瓊戶。昨夜段家橋。今日吳松路。若過那時聯牀處。且

莫把長途輕數。一自登車別。君去便悄無風雨。

虞美人 題余十眉寄心瑣語

當年雙槳鴛湖路。一片烟和雨。畫簾才放又黃昏。不見玉妝臺畔改詩人。烏絲密字重重寫。紅淚珍珠下。莫將沈醉怨東風。地久天長何處不相逢。

臨江仙 八月徐園雅集

銅輦秋衾溫昨夢。軟塵紅煞香街。相逢無恙又天涯。十千論酒價。百一數詩牌。底事江南忘不得。個人西北偏佳。尊前可惜損風懷。吟成歸去晚。殘月戀空階。

點絳脣 用覺翁韻

回首空城。水香吹上湖濱路。暮鴉啼樹。可是雙棲處。楊柳當門。苦苦催人去。春愁貯。暗黃千縷。不抵風中絮。董父詞選

洪奐字董父浙江淳安人今錄詞三首

慶春宮 送別張硯公

玉漏沉蓮。雲帆隔樹。斷腸悄語。淒聽蠟炬。愁封蠻絃。怨咽自憐。蘭絮漂零。俊遊重憶。認江水青羅瘦縷。萬千心事。可奈中宵。殘笛聲聲。舊時月色。分明換羽移宮。商略吟情。急景凋年。峭寒侵夢。更堪別緒頻增。翠微霜老。儘飛上潘郎鬢星。酒銷花歛。後夜伊誰。共翦孤燈。

江城梅花引 冬柳

舞衣零落意淒涼。對斜陽。怨斜陽。折損腰肢。依舊冒寒塘。昔日繁華渾似夢。况羌笛一聲聲。更斷腸。斷腸。斷腸不可望。別緒長。別憾長。憾也。憾也。憾不得。牽住歸韉。十里長堤。迎送爲誰忙。惆悵臨風殘月裏。人去後。賸寒雅。點鬢霜。

一翦梅 和蕃卿先生原韻

兩字秋心合做愁。江上歸舟。沙上閒鷗。兼葭如雪落汀洲。半舞橋頭。半上人頭。

秋。

耿耿銀河淡欲浮。月照南樓。人倚東樓。西風黃葉去難留。一念思秋。一念悲

卷一終

南社叢選

詞選卷二

涇縣胡韞玉樸安選錄

匪石詞選

陳世宜字匪石江蘇江寧人今錄詞十六首

賀新涼 弔史閣部墓

廿四橋邊路。黯魂銷。煙淡月。嶺梅千樹。漢代衣冠。今在否。付與寒蛩自語。更幾輩。燕城能賦。一水彎環。山下過。共江潮。嗚咽聲如訴。禾黍恨。一坏土。殘旗舊日。臨江滸。痛南都。松楸不老。河山非故。石上遺書琳琅字。萬古雲霄一羽。問華屋。生存何處。燕子春燈歌舞。歇廢園。亭門掩。風和雨。爭似此。百靈護。

六么令

薄寒侵幙。鈿閣暗雲積。春心逗成微雨。望裏亂絲織。柳眼纔舒又倦。惘惘樓頭色。露橋塵陌。東風綠遍。甚處天涯萬山隔。猶憶催花座上。羯鼓曾親擊。却怕

歸雁聲中錦字難尋繹。依樣年華似水。門掩梨花寂古。懽追覓探芳人老。靜倚闌干。手空拍。

沁園春 檳嶼贈尊農

歷歷關河。萬里投荒。強說壯遊。任歌成錦瑟。獨彈古調。吹殘玉笛。暗寄清愁。法曲飄零。文章羈旅。何處騷壇盟訂。鷗帆風利。喜足音空。谷送到扁舟。夷猶鴻爪痕留。况一例吳歛。能唱酬。念詞人花外。新歌迭奏。游蹤海滌。奇蹟窮搜。片片蠻雲。聲聲犵鳥。寫入蠻荒誌異不。君須記。是仙山有主。氣食朝牛。

浣溪紗 和孟碩獄中韻

楓冷霜淒月落時。西風吹老玉參差。危闌煙鎖夕陽遲。片片愁雲迷雁塞。絲絲淚雨洗燕支。幾人解道是相思。

摸魚兒 重九

嘆秋風者般容易。一年一度重九。滄桑人世烟雲幻。三徑黃花依舊。還賸有。那

帶病枯蟬。幾個嘶殘柳。柔膠轉。又在百尺台荒。千峯樹。禿風雨滿城後。登臨處。一片悲笳迭奏。西風險被吹瘦。驚寒夢與聲俱斷。北雁南來時候。休送酒。聽郭索聲。閑却持螯手。愁絲織就。况念遠傷高。牛山竟夕。紅淚染楓透。

蝶戀花 和中壘均卽以爲贈

淡月侵簾寒擁袖。劍胆。簫心。爲甚年來負點點。淚痕襟上。舊紗窗影。鮎燈如豆。不是黃花魂也瘦。寫入秋心。搖落江潭候。展得愁眉眉又皺。填詞老去。閑清晝。

沈醉鈞天高尺五。花事闌珊。不與春爲主。銀燭燒紅深夜語。高丘零落嗟無女。血淚斑斑啼杜宇。梵唄無聊。簾底教鸚鵡。淪落天涯心共許。西窗同聽芭蕉雨。

卜算子

記得冷春時。燕子雙雙語。寂寞簾櫳燕又來。簾外絲絲雨。愁共暗鴉啼。夢逐

歸鴻去。白日無情解笑人。悔勸駒光住。

燭影搖紅久。滯瘴海歸期屢。訛倚此寫怨。

草色無情。綠窗永日深深護。炎雲淨捲換新涼。一枕啼秋雨。筆底都無秀句。客愁深。年華暗度。倚闌遙望。一髮神州。家山何處。鶴冷猿孤。小園紅萼誰爲主。玉璫空有別來書。揜淚和鶻語。底事將春繫住。悵歸期而今間阻。可憐依舊夢裏。鄉關天涯。羈旅。

好事近 題婁東某夫人紅情綠意圖

燦爛玉交枝。腕底破寒猶力。一幅鴛鴦春軟。繡金鍼神得。雙聲敲與翠禽聽。孤山漫相憶。臨鏡額粧自寫。透南枝消息。

聲聲慢 題秦特臣淮海詩詞叢話

微雲情緒。小石宗風。蟲絲夜吐秋深。月冷鈞殘。天涯無限。傷心瀟湘帶愁流。後贍黃鸝長伴。孤吟寥落。感是人和天瘦。又到而今。重把珍聞收拾。對飛花片。

片獨弔藤陰。劫火灰乾。人間享帚千金。淮海文字曾羅之厄方回一般腸斷更西河
墨淚盈襟。芳草恨。算江南。幽夢未沈。

霜花映菊花和夢窗韻依四聲

淚叢怨色。仗晚香重來。戀取衰冠。霜影愁孱。月痕疑碎。秋心替寫。仍難故園地。
寬勸素英休落。風前向孤松舊約。追尋徑荒秋老。倚天寒。聞說露枝猶見。甚
驚颯一夕。又蛻枯蟬。纔得黃廻。依然金散。斑斑恨墨。題牋泛觥。作船倩灑波留。
住。嬋娟怕無言淡了。伊人捲簾相對看。

瑞龍吟

泚濱久客游賞多在徐園離合悲歡事乃萬狀乙卯立秋前一日吞音詞社又集于此巽子和清真此調見示率同其韻

長堤路。還見冷翠侵苔。暝烟籠樹。枝頭聲咽。殘蟬院槐。自老新涼處。處漫廻
佇。前度綻桃春晚。笑窺簾戶。年年換却秋風。舊時燕子。西窗倦語。重鼓探芳
餘興。采菱低唱。垂楊慵舞。桑海淚中相看人。半新故。冰絃掩抑。無限傷心。句憑
誰話。江皋佩影。幽廊屨。步。適眼繁華去。題襟牘。有詩情酒緒。平翦愁千縷。偏

又是紛紛梧桐吹雨夢痕暗結一天雲絮。

甘州 送重由二弟之京師

正瀟瀟暮雨做清秋。西風動江城。颯燈窗雙影。繩牀碎語。濁醕深擊。別緒千絲。未理津鼓。促征程。昨夜微霜。雁寒陣初驚。莫重話。飄蓬身世。渺故園一角。夢委荒荆。况風塵催老華髮。漸星星望長安。浮雲輕蔽。幻古愁。桑入海波。腥叮嚀語。有宮駝。淚休洒。新亭。

桃源憶故人 遜初三周忘日賦感

青青隄柳窺人眼。疊夢三春猶短。鷓鴣血。枝頭紅濺。淚點荆駝滿。花城低祝香魂返。津鼓桃源誰喚。日繞畫梁。千轉幾個銜泥燕。

浣溪紗 三月二十一日同槩子作

聽徹當筵定子歌。楊花帶雨舞婆娑。夢回九九夜寒多。化骨錯疑丹藥換。孤琴癡吟素絃和。羞紅強說醉顏酡。

杏佛詞選

楊銓字杏佛江蘇清江人今錄詞五首

賀新涼 送帝堯返蜀

杜宇催歸去。正長安枇杷結子。綠楊飛絮。同學英才多不賤。子又羣中鐘呂。肆
雄辨折衝尊俎。同是浮萍飄大海。莽征途無意還相遇。天下事。多如許。羣雄
逐鹿忙爭據。慘中原干戈水火。可憐焦土。衽席蒼生。男子事。肯把千秋自誤。但
行矣。何須凝佇。愧我庸庸徒。哺啜只隨人俯仰。謀升黍。祝子去功名樹。

滿庭芳 復生歸蜀賦此贈別

博浪椎空。嬴秦朝換。男兒生入鄉關。頭顱依舊。心志肯闌珊。料理琴書。歸去遊
雲倦。且暫還山。長亭路。離愁無那。爲唱大刀環。艱難傷此日。薰蕕莫辨。薤芷
投閒。縱青蓮化舌。難喻癡頑。且把英雄歲月。消受他雲鬢。烟鬟紗窗裏。清狂宜
減。着意。偎紅顏。

念奴嬌 羅花山中用東坡韻

蔓天衰草。望山光嵐氣。幻成雲物。十里焦原生意盡。滿眼蓬蒿頽壁。寂寂寒林。蕭蕭耕馬。雀啄山頭雪。一聲長嘯。古今誰是豪傑。白笑作客年年。情懷漸減。幽恨因風發。紅豆拋殘清淚冷。往事心頭明滅。鴻雁南飛。大江東去。閒盡衝冠髮。燕高無語。前村又見明月。

賀新涼 題亞子分湖舊隱園

一勺分湖水。問年年扁舟選勝。俊遊能幾。亂世不容劉琨隱。滿眼湖山殺氣。更誰辨漁樵滋味。莫使聲聲亡國恨。連金戈返日。男兒事風與月。日丟起。征塵黯黯中原裏。四千年文明古國。興亡如此。燕子東飛江湖啞。兒女新亭墮淚。何處是扶危奇士。不畏侏儒能席捲。怕匹夫不解。爲奴靴。肩此責。吾與子。

賀新涼 弔季彭自滯

九地黃流注。叩蒼穹沉沉萬象。當關豺虎。嘯盡心肝。無人解。惟有湘靈堪語。忍

獨醒呻吟終古眼。見英雄成白骨。好頭顱未易蒼生苦。心化血。血成雨。一泓濁井埋身處。賦招魂胥潮嗚咽。蜀鵲淒楚。河漢精靈歸華嶽。誰向清流弔取。但冉冉斜陽西去。試向中原男子問。有幾人。不欲臣強虜。生愧死死無所。

中冷詞選

葉玉森字中冷江蘇丹徒人今錄詞十二首

卜算子 用鷓鴣韻

心似未灰檀。眼似將舒柳。臘鼓誰家賽細腰。喧得春魂透。酒是甕頭新。淚是襟邊舊。拚醉翻愁夢易成。夢裏江山瘦。

點絳脣 原用夢窗韻

前度芳詩。霧航曉泊楓橋路。濛濛春樹。措眼聽鐘處。携酒重來。目送花飛去。閒愁貯。誰家箏縷。苦苦牽雲絮。

相見懽用瀛尹韻

數星涼似秋螢。故吹鐙暗，覺心光一穗吐微明。宵來雨江頭樹嫩青生，祇恐楊絲牽出亂鶯聲。

鷓鴣天用登翁韻

高枕龍淵儘醉眠。夢聞漢武勅開邊。蠻夷大長鬚如蝟，都護將軍臂似猿。踰瀚海，出祁連。幕南都屬漢山川。會當痛飲蒲桃酒，更促闕氏替拂絃。

踏莎行用瀛尹韻

春草牽裙夕陽兜扇。花開陌上清遊徧。亂山處處有啼鵲。闌紅未信芳華變。酒半回腸鐙初揩眼。靡無顏色羅敷怨。鸞咽欲轉不成聲。輸他軟語雙飛燕。

太常引用忍庵韻

狗屠燕市筑聲高。塊壘酒難消。醉眼對花搖記門巷。臙脂那條。分明影事歸車。緩緩殘月虎坊橋。飛夢託蘭橈。莫漫唱天風海濤。

燕歸梁用忍庵韻夢窗體

雨後春山笑鬢開。携淚上蘇臺。銜花麋鹿幾時回。問斜陽有餘哀。吳宮自昔饒芳草。慘碧亂鶯催。翠擊香屨夢多違。喚西施醉金杯。

夜遊宮 用鶯翁韻

乾了湘妃淚雨。怕重倚竹枝愁訴。常子金蚪去何處。惱宮鸚。日沈吟。斷腸句。莫放春風去。長相憶。瓊樓珠樹。聽罷霓裳羽衣舞。又花梢雨淋鈴。暗凝竚。

霜天曉角 用瀟尹韻

蒼巖老木。春滿狂花屋。曾記幽居苦獨。開門款野雲宿。滅燭離緒觸。舊遊邀夢續。招得山中猿鶴。和明月。踏新綠。

極相思 用瀟尹韻

冰匳圓影新磨。紫鳳簇駢過。華鬢天上客。星都醉鵲。漢無波。莫話清虛宮外事。怕無端。蹙損秋蛾。未知今夕。瓊樓高處。可覺寒多。

夜行船用鶯翁韻

冷語蘆花辭已費。翁肝膽與鷗同洗。雨細風斜。煙寒日短。兀地做成憔悴。欲向桃源通一紙。問今日山中何世。祇恐桃花一般淪落。腸斷武陵春水。

眉嫵賦河東君妝鏡拓本

悵桃花啼淚。錦樹蘼琴。淮水故淒。瘦紅豆。莊何在。蛾眉死。菱槩千古。冰炯絳雲。燼冷便翠奩。微帶煙暈。算修到。星靨霜絲。並豔簾下風韻。撞破金甌。誰省。膽一規明月。依舊清迴。不盡蘼蕪怨。新妝罷。當時畫鬢羞映。曉淚隱似美人鵲血。猶沁笑擎掌。犀盃巾帽影。那堪整。

眉孫詞選

吳清庠字眉孫江蘇丹徒人今錄詞三首

齊天樂蟋蟀

一生祇有秋知已。悲吟自成機杼。昨夜風寒。今宵露重。來日零霜更苦。淒涼欲訴。問誰照銀釭。誰調玉柱。夢冷莓苔。斷腸花底。月將曙。千金聲價減盡。枉牙

籠繡紗。長記前度。綠草魂危。黃花骨瘦。愁絕王孫老去。歲華已莫。尙努力緣堦。含悽入戶。錦樣。簑衣。可堪形影。顧。一聲聲喚秋魂醒。癡才量難禁受。寂寂虛堂。陰陰壞壁。衰草斜陽時候。西風苦驟。怪連損金腰。當翹鐵首。可是傷心。眼前黃菊太消瘦。蕭晨初過。白露料呼燈。灌穴深夜。人有宰相風流。君王月日。能否山河如舊。休譚勝負。便巧製金籠。恐輸籬豆。各自相憐。漫疑還自鬪。

水龍吟 詠萍

絕憐身世飄淪。相逢記值芙蓉渡。江湖容易。暮春三月。東風幾度。人在垂楊一聲玉笛。斷腸舊譜。嘆托根太淺。前生命薄。宜魂夢隨鷗鷺。欲拾殘紅寄汝。托微波怨詞難訴。因緣烟散。性情水冷。不堪自主。便爾開花。也能結實。怕含酸楚。采數枝留證。卿卿小影。抵黃金鑄。

揮孫詞選

張素字揮孫江蘇丹陽人今錄詞五首

八聲甘州 雨意和小柳韻

算韶光九十去匆匆。落花滿紅樓。更輕寒微雨，飄燈幾處，珠箔斜鈎。底事東風恁悵。不把夢痕留。啼鳩千山裏，訴我春愁。倚枕聽來天曉，正杏花喚賣，門巷烟收。感天涯羈旅，踪跡擬沙鷗。剩斑痕和煙和絮者。客衫惟有淚相酬。應憐我歲華波遠，付與東流。

蘭陵王 用美成韻送小柳赴瀋陽

暮隄直。彌望江波漲碧。離恨遠，天際草迷黯黯。征衫怎。風色悲吟，又去國心緒。憐他楚客，憑量取情淚淺深。潭水桃花幾多尺。還思舊游跡。有柳折關城花藉琴。席侯門。鯖老人傳食，奈萬里蓬轉。一聲驪唱，水郵山路不計驛。暮雲阻。南。北。悽惻。鬢絲積。想雨過燈幽。簾影孤寂。傷時恨別何終極。只曲院驚夢。晚樓吹笛。飄零如我。倘念到淚暗滴。

琵琶仙 客窗坐雨

簾雨吹陰。又還近四月迎梅時節。幾度輕點。征衫香塵細。無跡。鄉夢遠。江南萬里。定花落。水流肥。鱖紫陌。三條青。帚一桁。來問消息。漫嫌是。衣袂寒單。鎮鑿鑿。靄微濛。篆煙結。更有最消魂處。在黃昏。檐滴關塞外。春愁欲碎。舞柳花側。風面急。奈此芳草天涯。數聲啼鴉。

金縷曲 送力山之官太平

送汝汀洲去。問何物可供采擷。白蘋芳杜。斗大衙齋清無事。耳聽敲殘官鼓。更拉個髯參短簿。日夕吟哦。心怡曠似當年。王儉紅蓮府。謠詠。畫漫輕妒。嗟予早被儒冠誤。祇年年送人作郡。客游辛苦。杯酒逢君輸心曲。且脫寶刀贈與。倏又是。驪歌滿路。昔日知交。今言別念。消魂惟有江淹賦。家國事。力須努。

摸魚兒 贈影禪

擅才情。萬言袞袞。書生空有談論。主持清議。春秋職。比似將軍專閫。神色奮。好

詞鋒觸處所向無堅陣。稱堯道舜。便霹靂天驚。秦山地厭。兩目未曾瞬。家國事。一。都。縈。方。寸。賈。生。何。限。憂。憤。議。郎。兩。字。頭。銜。貴。顧。惜。竟。同。破。甑。君。莫。問。君。記。取。市。聲。一。闋。成。斯。渾。卽。今。悶。悶。且。挾。瑟。吳。趨。行。歌。燕。市。舉。酒。潤。枯。吻。

萬里詞選

蔣同超字萬里江蘇無錫人今錄詞一首

如此江山

江山如此無人管。神州陸沉重見。祖脈崑崙。長流揚子。延得文明一線。天涯日斷。看地盡堯封。疆分禹甸。一髮中原。黃權濩落。手誰援。古今豪傑何限。那二十四朝。底事龍戰。莽莽歐風。沉沉墨雨。何似蓬萊清淺。茫茫震旦。慨前代滄桑。幾經天演。民族潮流。一聲聲拍岸。

蓴農詞選

王蘊章字蓴農江蘇無錫人今錄詞三十首

貂裘換酒 題劍霖鴻影樓詩記

辜負屠龍手。怪吹來商音一片。雨。僂風。愀。比似江南腸斷句。贏得奏青石瘦。渾不記玉膚碧袖。忽憶海棠花下。誓。賸。綠。章。難。上。通。明。奏。鸞。韻。香。忍。回。首。三。生。舊。恨。君。知。否。儘。當。年。蘭。莖。翡翠。神。榮。劉。柳。瑄。朗。分。明。憐。始。影。莫。問。鴛。池。春。皺。但。擷。盡。相。思。紅。豆。散。作。華。鬢。零。粉。絮。也。瑤。裝。笙。鶴。安。排。就。釵。鈿。約。好。重。遣。如。許。春。痕。瘦。甚。東。風。縹。將。愁。至。落。紅。溼。透。玉。局。中。心。彈。未。了。訴。出。芝。焚。巫。岫。有。縛。達。前。塵。遙。逗。小。劫。梨。雲。驚。噩。夢。擁。金。屏。獨。繫。香。囊。肘。花。魄。碎。淚。珠。溜。新。詩。三。復。渾。如。繡。只。些。些。瑤。思。瑤。想。也。難。消。受。蘅。炷。燒。殘。松。霧。冷。鳳。返。秦。樓。還。又。况。更。有。詞。緘。豈。惹。好。句。儘。刪。長。恨。集。證。蘭。因。依。舊。成。佳。耦。君。應。笑。一。開。口。

買陂塘

劍霜遺稿付印閱兩月而竣感逝懷人復填此解玉筍雲羅牙琴弦澀言愁我始愁矣

悵無端西風黃葉。嘔將心事如許。詞人去後。春情減。難忘昔年。韋杜秋又暮。算撇笛山陽。不是江南路。搖雲散雨。問柳訪秦淮。花看吳苑。舊約記何處。銷魂

事總付旗亭後侶。阿誰款段歸去。十年蕭瑟。鄉關夢也。只登樓能賦。身已誤。更怨粉啼香零落。金荃譜。閑愁且住。道有箇今徐翦茸補毳。一笑爲君舞。

金縷曲

鸚鵡偏能語。苦爰居沈沈。長夜享他鐘鼓。秋雁一行心萬里。却換蟲沙還苦。看細燕輕狸無主。喚起銅駝醒也未。鶴歸來城郭都非。故行不得。鷓鴣住。冤禽精衛漫思補。海茫茫魚龍涌起。波翻雲舞。鴉背夕陽紅正好。一棹鷗夷何處算。生作號寒原誤。咽盡枯蟬衣。早斷織西風絡緯。愁如許。且讓與候蛩訴。

滿江紅

緬甸金塔叢立如筆。緬俗佞佛。相傳昔英兵據緬時。緬王猶膜拜塔下也。景著者爲大光塔。西人遊覽者履聲橐橐。華人則必跳而後入。不則以爲污褻佛地。山僧且呵斥及之矣。

筆立蒼茫。寫不盡驚人詩句。却付與塔鈴愁絕。聲聲淒訴。如此樓台。天不管。任他風雨。春無主。聽殘僧指點。說滄桑。今非古。叢林迴雲飛駐。江影落山痕聚。算莊嚴三寶。登臨難許。佛寺宵深。紅燭淚。故宮花老。斜陽怒問。何如帶礪奠山

河金甌補。

琵琶仙三度太平車外見夾岸池荷搖落盡矣感成一解

越女重來。驚換了一幅秋容如畫。貼鏡看足田田。凌波阻遙夜。料應怨西風。嫁與心最苦。舞衣紅卸。露立前宵。蓮房夢斷。鉛淚偷瀉。記當日聽雨珠簾。渾不管江南舊遊冶。二十六陂無恙。冷香魂先化。便灑亂菰蒲。萬點更葦苔。暗占亭樹。愁煞花底鴛鴦。怎時醒也。

如此江山

香港太平山崖崩壁立西人置機山巔設軌敷練曳兩車轆轤而上山中樓台如畫繡球杜鵑之花遍植皆是天風吹衣海波

如鏡殊有清都咫尺想凝眺徘徊愴然成賦

天梯石棧鈎連上。盪胸白雲來去。山蘸眉青。波揩鏡碧。紅襯斜陽。無主。岑樓燕語。似辛苦銜泥。負他前度。恨煞鶯花春光如許。等閒誤。塵海頻驚倦旅。登臨無限好。只是遲暮。萬籟停風。一鈎墮月。漸有魚龍起舞。羈懷漫訴。捫尺五星辰。寄愁何處。獨立蒼茫。幾聲啼杜宇。

浣溪紗 太平公園絕似揚州紅橋風景賦此為故鄉鷓鴣鳥問

春色灣頭泊畫橈。東風愁損楚娘腰。二分明月最魂銷。漫托行雲依碧樹。浪傳消息到紅橋。禁他酒醒又今朝。

虞美人 薄遊芙蓉牆角一枝紅艷鏡檻中小影也寵之以詞

新妝宜面殘紅印。樓與花雙稱。涉江渾欲懣相思。添了些兒心事。沒人知。柳枝不共天涯老。海南無柳門掩秋風悄。多情算有月初三。更畫入時眉樣。憶江南。

鷓鴣天

西風樹樹言愁欲愁偶拈此解奉和夢坡丈禮查感事之作

消息無端誤謝橋。痴雲閣雨暗過潮。不知秋思誰家好。祇覺春情隔座銷。翻白紵。妒青袍。相看俱是鬢蕭蕭。窺簾試認雙棲影。燕別雕梁營幕巢。玉雁秋高語欲酸。西風戰夢到更殘。疏花著雨無心媚。葉驚霜作意寒。紫別緒。憶前歡。江山如此莫憑闌。吟尊記吸蓬萊淺。又種紅桑幾度看。

秋宵吟

此白石自度曲也萬紅友疑為雙拽頭改為三疊戈順卿引玉田詞源朱子儀禮經傳通解證為越調且云白石原詞古簾空至箭

壺催曉與下引涼颺至暮煙帆草句法既同旁譜亦無少異前曉字用六上四後草字亦用六上四可悟六字爲殺聲兼上四畢齒與石湖仙同調其中平仄無一字可移動叶韻皆用上聲諸去聲字尤爲吃緊考訂音律可謂精審獨怪戈氏廣川書屋之作仍與白石原譜多所出入秋宵坐雨萬感如潮倚聲及此敢云石帶之遺聊正翠微之失卽呈麗二嬖子陳大匠石並索同賦

暝蛩啼。病鶴語。換了天涯芳序。華年短。漸思冷銀牀。恨裁金縷。掃閒階。澣繡圃。竟夕秋聲無主。徘徊久。正悴葉辭枝。暗塵侵柱。賦擬江南。忍更說珠歌翠舞。懺紅花褪。蘸碧雲輕。影瘦舊眉嫵。消息青鸞阻。那角屏山。心事細數。待何時。夢。賸西窗棋局。簫局話夜雨。

如此江山 題秦滌塵淮海先生詩詞叢話

斷腸誰唱江南句。方回祇今難問。孤館鶉聲。驛橋魚素。覓遍桃源無分。黨碑名姓。付山抹微雲。自傳幽恨。喚起紅紅古香。片片袖紅搵。籤牋閒徵往事。風流原未墜。舊家疏俊。鳳紙言愁。烏絲界淚。膾有鶯花消領。芮國器鶯花亭懷古詩云人言多伎亦多窮隨意文章要底工。淮海秦郎天下士。一生懷抱百憂中。郭十三最賞之。蟾蜍研潤。更說與蕢洲。雅談堪並。門掩春寒。

玉簫還譜韻

貂裘換酒

鈍根老友遁迹山中憔悴可念日前以紅薇感舊記索題率成此解以爲他日相思張本鈍根見之當知余懷之渺渺也

脫帽悲歌起。數平生一簫一劍。更無知己。不是揚州狂杜牧。牧十載墜歡重理。只贏得鬢星星矣。駿馬美人。都去也。莽乾坤。合爲多情死。負汝者。有如水。狂言忽發。君須記。遍相思。靈均香草。豐蘭沅芷。結客他年公事了。還我傾城名士。更碌碌。嗤他餘子。痛哭山中。問日月。肯如今短了。英雄氣。浮大白。拚沈醉。

點絳脣

乙卯上巳修禊隨庵招飲惜春粧閣分韻得在字

爲惜春歸。看花擷取芳蘭佩。曲江飛蓋。花事今宵最。一院鶯聲喚起。春如海。春無賴。薄粧蛾黛。贏得春愁在。

減字木蘭花

題南通徐濟廬梅花山館讀書圖

紫琅山畔。山色窺簾閒不捲。紅袖香溫。疏影橫斜。月到門。春風筆底。細嚼梅花。熟矣。我亦天涯。老樹秋根。苦憶家。

浣溪紗

題雲間宋夢仙女士遺畫爲許幻園賦

半夢吳綾禁曉寒。玉樓殘夢最難圓。好嬉倒印淚闌干。
痕還向畫中看。爲伊惆悵寫銀紈。慧業都從天上種。愁

醉太平

傾城夫人拗風廊圖爲寒瓊題

香消酒醒參斜斗。橫蘆簾紙閣雙聲。修梅花幾生。前身玉京仙山紫清。聞來
寫入丹青署傾城小名。

惜紅衣

滬南李公祠池荷特盛池後小山曲徑廻環幽秀尤絕乙卯晚秋
余偕徐丈仲可往遊花事凋零空梁泥落合肥銅像仆於辛亥之
役劫後重建金碧淒黯亦非復
曩觀矣感愴成吟和石帚韻

澹柳扶煙。零花熨日。做秋無力。淨洗池塘。西風換愁碧。青銅瘦影還問訊。淮雨
仙客岑寂。鶻語斷紅。說春歸消息。黃沙怒陌。玉壘浮雲香塵半。狼籍滄波費
淚。帝國夢魂。北喜有小山叢桂。且共詞人登歷看陣。驚寒雁飛破一痕霜色。

浣溪紗

題芷畦柳溪柳枝詞

絕。妙。才。華。絕。妙。詞。幾。聲。水。調。足。相。思。竹。枝。唱。後。又。桃。枝。襟。上。淚。痕。濃。似。酒。客

中。愁。緒。細。於。絲。最。難。風。曉。月。殘。時。

跪。地。柔。條。爾。許。長。江。南。何。處。不。斜。陽。西。風。樹。樹。儘。思。量。粉。本。如。披。圖。映。蝶。權

歌。好。繼。湖。鴛。鴦。移。家。擬。傍。水。雲。鄉。

燭影搖紅 春音社五集賦唐花

春。冷。瑤。天。化。工。偷。換。繁。華。主。眼。前。紅。紫。總。承。恩。金。屋。深。深。護。翻。盡。洛。陽。舊。譜。試

新。妝。濃。薰。如。霧。幾。番。梳。洗。著。意。溫。存。雲。時。塵。土。榮。落。無。端。最。憐。身。世。冬。烘。誤。

淒。涼。羯。鼓。說。開。元。香。夢。成。今。古。愁。殺。煥。寒。院。宇。駐。韶。顏。東。風。未。許。馬。塍。塘。畔。花

一名塘花出馬塍 芳訊匆匆花魂醒否

高陽臺 瓦硯一長尺半闊八寸中為瓢形背隱起六隸字甚清勁曰建安

於上兩旁鑄銘云昔為瓦藏歌童及舞馬今為硯俯圖史承鉛槧

也蓋豪雄武人不得而有之子墨客卿固得而有之也吾是以喟然有感於物也乙卯冬日得於海上春音社六集擬賦

賦逼琴紋。假曝談餘銅雀瓦硯真者上有油紋曰琴紋又有白花曰錫花潤蒸雨氣何春渚詠雀臺瓦硯詩

蒸雨出滄溟隔林翡翠宵寒化作鴛魂東風野火燒殘蒼苔玉匣前朝字夢瑤臺搗

麝成團伴吟毫橫槩豪情雙墨餘歡。河朔訪古記雀臺北為冰井臺藏石墨可書又雙之難盡一坏可是

西陵土但香分螺黛怨訴糜丸淚滴蟾蜍向微凹處洑瀾紅絲不繫珊瑚網認

鑄華金薤依然。鐵網珊瑚金薤琳琅均元敬著此硯俱見著錄鎮依人賦寫登樓詩寫江關

思佳客。題武林丁松生先生丙風未齋圖齋燬於紅羊之劫今先生之哲嗣和甫丈重建於西溪

卜築籐蘿意自閒西溪風雨夜來寒十年堂構完先澤一室芸香理古懽松

夢冷。松生先生之著書處曰松夢寮菊吟殘生先生遺著却灰還向畫中看思親我亦頻揮

淚。齋中有亭楊柳闔門屋數間。趨坊畔泉魚之痛忽忽十年矣

慶清朝。題徐仲可女公子新華遺書

跨月乘鸞夢雲化鳳碧城人去迢迢玉映當年紅絲小研親調畫取仙山一角

黛螺分影上生綃含毫慣綠窗清課想見垂髻比似吳綾半臂共西河都講

茗玉名瑤。洗盡鉛華。還留墨淚痕。飄爲問。生來慧業。春風筆底。斷魂招傷心處。純飛香偈。譜入瓊簫。

桃源憶故人 遜初三周忌日匪石賦詞追悼予亦繼聲

三年碧化東門眼。草拔卷施心短。殘淚銅仙紅濺。斜照烟蕪滿。歸遼神鶴何時返。杜宇聲聲愁喚。只有春魂不轉。冷笑閒鶯燕。

喝火令 丙辰三月廿一日作

蝶夢還圓否。龍飛出骨無。窺簾燕子錯相呼。怎地空房小膽。耽閣繡工夫。對面嫌人逼。回身倩影扶。含羞寄與十眉圖。試問而今果否。悔當初。試問而今便把當初。悔了又何如。

八聲甘州

別侯大戰。逾久矣。今春兩見於里門。并爲介於凌大伯昇同登東橫山梅園。望太湖。取道惠麓。買醉泉亭。而歸。翌日又爲春申此却寄賦

又東風吹我落天涯。相逢鬢絲蒼。料山靈笑客。倦遊何處。不傍鷗鄉。斫地長歌。

誰識未減少年狂。且住爲佳耳。小酌壺觴。七十二峯無語。盪鱗波萬頃淺暈。眉妝怕魚龍睡穩。一例夢滄桑。莫再向梅邊。譜笛換悲笳。四野正淒涼。歸休也倚闌干處。總是斜陽。

臨江仙

滬甯車中所見滿地皆菜花楊柳中時露春旗一角則戒嚴聲中之防務也懺紅內史曰農事荒矣子盍爲詞紀之感成一解

幾日平蕪愁滿眼。灌園誰傍高城。黃金鑄淚太縱橫。宮袍還妬否。布穀已無聲。自是羣芳吹欲盡。只餘此色分明。休將憔悴問蒼生。裙腰青斷了。寒角起孤營。

六醜 丙辰春盡作日

問東風底事。送笛裏梅魂。輕別采芳後期。花開誰勸惜。一謝難折。幾誤仙源路。洞迷香雨。蘼絳波千尺。玉驄待指青蕪國。燕絮殘泥。鶻啼剩血。紅心淚痕同色。但斜陽烟柳。愁緒催織。江南消息。有庾郎賦筆。夢繞哀笳起。啼恨墨。懷中錦段非昔。換年時秀句。看朱成碧。高樓望陣雲西北。不堪是擲。徧金錢。買了好春。

無迹繁華盡還戀。瑤席怎兩番。鼓吹池塘外。昏蛙鬧夕。

瑞鶴仙

題李抱真殘硯作半月形陳白沙製銘屈翁山題識為武林馬彝初賦

半規殘月小。映霜華涼寫。蠻牋淒調。璞平浣錦溪少。認冰絲紅膩。淚盈孤抱。朱

衣管帽。抱真平居管帽朱子深衣墨痕飛南雲。嶺嶠補琳腴。不補媧大鵠眼。暗窺春老

誰草。陶泓佳傳。宋詩要與陶泓作佳傳老糜松液寫黃庭石友無言吟窗愁悄。風泉夜嘯待重畫。滄

桑稿。南海鄭湛若有天風吹夜泉硯相緇塵京國。江花深夢圓。合湖鷗醒了。翦山眉一角。西樵

向人自好。

蛻庵詞選

陳蛻字蛻庵江蘇武進人今錄詞十一首

金縷曲 題紅拂墓

可是當墟侶。又無端紅塵同謫。華堂一顧。舊約三生都不省。萬古情魂一縷。更莫怨當朝楊素。堂上將軍原負腹。是名花便合遭風雨。相逢晚亦天數。天涯

何處埋香土。想如今。淥橋無恙。但爲卿故。錦瑟華年。愁裏過。那更冲冠起舞。問今日。扶餘誰主。紅袖青衫。飄泊久。便相逢。只勸公。毋渡誓。同穴願逢。怒。

邁坡塘 聽雪贈文孃

正宵深漏沈燈燼。依依情話如哽。紙窗風翕簷冰墜。知有玉龍飛近。還自省。記二十年來。常擁孤衾。聽客懷易冷。况咽岸潮生。打篷霰。集景與情相稱。而今更。雨泊風飄。一梗天涯淪落。誰問腰圍。持比文君黛。各自爲情消損。君可信。試悄倚。雙肩待曉。臨明鏡。韶華轉瞬。恐一夜。青山堆瓊塚。玉頭白。已難認。

臨江仙 遣春詞

枉自月圓人壽。梅花開與誰看。分明消息漏春寒。客來遲問訊。燈燼倚欄杆。休記瑤臺青鳥語。誰知錦帳難瞞。醒時惆悵夢時歡。同衾人不覺。何況隔邯鄲。從此纔知薄倖。那禁別著情愁。對花祝謝休。留吳鈞。腰下嘯橫斷。愛河流。還怕迴波攔不住。向西長住溪頭。今生他世兩休休。長吟酬跼踖。倉舞傲溫柔。

真個銷魂何必。似曾相識都非。醒時當夢夢休題。三生拚碎石。七夕莫停機。
我有迴腸腸有淚。年來漸漸霏微。更無閑暇爲人揮。要尋曾漬處。除是舊時衣。
杜牧揚州遲到。臨印海上空尋。鶉鶉鰈鰈隔升沈。不爲飛與躍。那許說情深。
記得當年多少事。傷心已到如今。不曾留事只留心。眼前無一物。休更著沈吟。
低唱黨家錦帳。橫彈馬上琵琶。風流原是屬豪華。情天無美景。著處便爭差。
還有傷心傷過我。千年恨史難查。夕陽行過玉鈎斜。死生空豔說。盡是雨中花。
拋却已經拋却。思量儘自思量。情絲減短不添長。夜闌聞歎息。休信夢慌唐。
記取坡仙曾道破。鳥聲烟景匆忙。朝雲坏土付斜陽。道旁誰氏墓。樹上有鴛鴦。
仔細推尋世法。千年萬里榛蕪。脚踪蜿曲儘隨趨。分明人宛在。惆悵又何如。
健者忘情明達。悔情生情滅情虛。君看充棟汗牛書。一從施卓死。宋玉亦登徒。

滿江紅 和太一卽次其二五初度韻

生也何歡。偏情海茫無終極。二十五年如待我。不堪今昔。解識東坡身。化百漫。

嗟。庾。信。死。瀕。十。待。紅。心。寸。寸。接。相。思。終。無。日。回。腸。事。海。難。滌。塵。生。面。淚。填。臆。
又。新。愁。舊。恨。都。來。相。逼。笑。看。吳。鉤。無。掛。處。夢。行。楚。雨。迷。前。跡。只。月。華。長。照。兩。邊。
愁。情。天。碧。

水調歌頭 題文雪吟先生漁舟垂柳圖

滿。眼。紅。塵。驚。何。地。著。雲。霞。輸。他。江。湖。浩。漫。一。舸。載。妻。孥。住。處。繁。風。垂。柳。行。處。破。
烟。雙。槳。只。此。足。生。涯。牽。舟。岸。上。者。可。肯。脫。朝。鞵。似。聞。說。今。滄。海。到。將。來。都。教。
消。涸。任。人。間。遍。種。桑。麻。難。道。湖。中。日。月。和。著。淮。南。雞。犬。無。處。可。乘。槎。掉。頭。一。長。
笑。畫。裏。是。吾。家。

瞿安詞選

吳梅字瞿安江蘇吳縣人今錄詞八首

眉嫵 賦河東君妝鏡拓本

算。冰。苔。千。點。雨。葉。雙。波。消。損。舊。眉。嫵。照。取。春。紅。豆。琴。河。夢。菱。花。猶。記。前。度。翠。黛。

自舞。絆柳枝。連愛成縷。笑眠起。一樣臨池裏。作去如是觀否。分付評量妝譜。
怎澗東人老。巾帽非故。零落蘼蕪怨。清霜後。朱樓誰問。仙姥鬢華細。數瞻絳雲。
艷。空補又魂斷。滄桑圓月影。怕回顧。

薄倖

葦香人影。早一夜天風夢冷。記醉踏梁溪明月。秋入玉臺冰淨。算玳梁修到雙。
樓紅絲。枉續頻伽命。便泣露盟鵑啼烟。誅蝶不耐梧桐秋警。問畫閣臨妝處。
猶淚雨。黛痕悽迸。碧城夫容暮。人閒天上。珮環消息。西風等指靈駕鏡。縱蓬山。
替証芳因。已是焉魂醒。歡蹤似水。偏怪文園薄倖。

清商怨 題仇英秋宵禱衣圖

枯桐黃月墜小。又玉關秋了。一杵西風碎愁和淚搗。朱鷺霜信定。早展蝶魂。
涼夢曾到。暗摺衣被。疊將方勝好。

霜花腴 步夢窗韻

病。蟹。咽。雨。捲。晚。簾。纖。痕。綠。上。衣。冠。秋。老。霜。肥。露。濃。花。瘦。吟。懷。醉。醒。都。難。冷。春。夢。
寬。又。數。聲。啼。鴉。尊。前。怕。他。時。重。託。釵。梁。茂。陵。蕉。萃。鈿。盟。寒。愁。把。玉。笙。呵。煖。已。
西。風。瑟瑟。落。葉。哀。蟬。消。息。江。鄉。陰。晴。門。巷。閒。情。懶。付。詩。箋。隔。溪。畫。船。儘。玉。荷。分。
照。嬋。娟。背。殘。英。掩。了。重。關。劍。花。燈。下。看。

浣溪紗

輕。約。梨。雲。蘸。碧。羅。薄。脂。微。唾。仗。風。搓。自。將。寶。鏡。注。雙。波。圓。夢。鶯。兒。驚。夢。早。喚。
花。燕。子。碎。花。多。屏。山。六。曲。奈。愁。何。

如夢令

一。剪。秋。痕。消。瘦。兩。點。春。痕。微。逗。花。老。蝶。衣。寒。尙。有。半。籬。廝。守。依。舊。依。舊。不。信。蕩。
懷。如。酒。

虞美人

銀。荷。迴。照。江。波。淺。紅。上。梨。渦。面。嫩。寒。天。氣。最。相。思。却。向。海。棠。花。下。立。多。時。下。

簾又是黃昏雨。雙燕銜春去。滿庭芳草掩重門。約住一牀胡蝶。絮花魂。

壽樓春 題洪昉思長生殿樂府

招清虛纖阿問開元影事。悽艷如何。記得長生秋夕。絳河微波。題玉燕。悲銅駝。算自來。歡場愁多。便錦襪留痕。香囊懺夢。愁過馬嵬坡。梧桐雨。秋宵鏗。指棠梨一樹。誰弔青娥。可惜優曇。身世不如鸚哥。南內夜無人過。掩鏡眉依稀。雙蛾。祇天上人間。霓裳羽衣長恨歌。

疾儂詞選

余天遂號疾儂江蘇崑山人今錄詞三首

小重山 題亞子分湖舊隱圖

落墨蒼茫烟水中。湖天風景好。畫難工。詩人舊宅白雲封。圖一幅。佳話布江東。身世我飄蓬。敝廬都賣盡。歎飛鴻。得君閒地兩三弓。菰蘆裏。便可息遊踪。

高陽臺

茸城錢劍秋得龍泉寶劍因作秋鏗劍影圖石子夫子代為索題謹填此闕

古色幽微寒芒隱約。千年英氣難磨。磨到今朝。偏來裝點吟窩。投時利器寧無分。黯傷懷。血濺山河。且閒看。冷絕銀釭。凝絕飛蛾。風雲決盪。今何世。正烟漫碧宇。電鑠金波。寸鐵空持。祇供俠士摩挲。七星光耀。龍文繞坐。書城好。鎮愁魔。夜闌時。卮酒醺心。彈劍高歌。

臺城路

代趙心壺先生挽其從子伯雅伯雅爲吾鄉有文行者晚號松下居士遺言題墓阡爲清遺民嘗作松下居士自傳以見志心壺年

少於伯雅嘗從之受學

玉樓一夜修文召。先生捧書馳去。矮屋荒江。白雲紅日。曾見滄桑。幾度人間小住。只松下盤桓。自矜垂暮。世變靡常。此心莫謂無憑據。當初羣從子弟。並蜚聲藝苑。文美彪著。行輩君差。年華我少。也許門牆。忝附悲舍。朝露問海上。成連遽歸。何處試撥琴絃。有哀音繞樹。

劍華詞選

俞鏗字劍華江蘇太倉人今錄詞九首

鵲橋仙 七夕約匪石可生同賦

針樓人杳。星槎路隔。空憶釵鈿私語。南飛有翼。替填河。却不管人間愁苦。涼蟾浸水。亂蛩啼露。瓜果尙憐兒女。箭河催曉。彩雲空別。淚灑一天疎雨。是夕夜半雨

惜秋華 中元月蝕

海宇澄秋。早孟蘭獻節。霏烟如霧。碾玉鏡空。雲駟渺歸何許。笙樓月正清圓。一搭煤炷。橫紋淒迷。看金輪漸缺。空喧官鼓。搔鬢悄無語。倚闌干。只欠此肩眉嫵。甚鄰杵和絡緯。又催機杼。仙娥縱斷塵緣。也難免闍虛吞吐。清若暗消磨。滿襟風露。

惜分釵 寄塵見慰悼亡之作悵然賦答

銅華掩芙蓉面。錦絃撥盡孤鸞怨。五更鐘半床風喚也。無聲夢也。無蹤空空。梧桐院。秋聲顫。藥鐺經案支疎倦。薄寒籠豆燈紅。反悔從前。忒煞情濃。匆匆。

摸魚兒 題芷畦柳溪竹枝詞

買破塘茶。舊鄉。幾十年豪氣銷。未南鄰北里遙相望。多少舊家門第。斜照裏。共
潤釣山樵。問數興衰事。斟酣熱耳。譜魚笛。賽洲滄桑。小識風土歲時記。清溪
好。雙槩菰蒲共。醉秦人憶蘇李。昔年曾共弟志成坐小艇自魏塘至柳溪小駐春橋楊柳。應無恙。
笑我鬢絲黃矣。高隱地。只讓汝。搜松訪石。歌相繼。聞君又續賦竹枝若干首烟塵隔水。怕百
尺樓高。天風夜度。猶是惱清睡。

菩薩蠻 九日和卜柳韻

蚊幃涼認宵來雨。雨過猶綠秋深樹。遊子盡天涯。何人獨憶家。
沈浮經歲夢。佳節愁中送。斜日岸巾多。招邀金叵羅。

一翦梅 和僕庵

塵鬢霜堆鏡裏華。病是生涯。恨是生涯。一天涼意逼屏紗。白了秋花。黃了秋花。
不惜登臨醉帽斜。人也塗鴉。雁也塗鴉。歸帆數點望中賒。信又相遮。夢又相
遮。

南詞叢選

一萼紅贈一品紅繼小柳作

甚天風趁笛聲牛背吹出舞粧紅步障驚鴻歌梁妬燕弓彎擊掌玲瓏小眉共
斜波學語笑打鴨何事鬧烏龍窺鏡迷離橫刀樸朔誰認雌雄應惜天涯輕
絮墮西湖夢裏夢也惺忪豆蔻春纔櫻桃淚遠奈他狂蝶游蜂最苦是蕭蕭暮
雨誤空階人立梵王宮是夕雨不能往老我金尊能共肯怨飄蓬

倦尋芳送小柳還歇浦并示樸庵

暝隄滯雨衰柳搖寒人共秋倦去去愁君難更看花吳苑惜別山留青滿眼分
携樽閣霜侵面暮潮催趁西風一舸五湖天遠漫約取吟鞍重並春到長安
塵蹄香軟海客情懷閒逐淡雲舒卷有夢鷗尋烟浪裏無生鶴語團圞畔祇孤
余擁宵檠數殘征雁

蝶戀花樸庵將赴申江賦詞留別依韻報之

重汝行行未住行到江南墜葉紛如雨柳不禁攀秋易暮斷魂又逐潮來去

萬里吟聲先雁度。勝侶高陽。孟酌應爭具。雪軟香踏春者處。一枝芳訊休遲誤。

摩西詞選

黃人字摩西江蘇常熟人今錄詞五首

高陽臺

常州呂俠出其姊氏春陰詞見示立和二闕

拾翠盟寒。繡鴛人懶。苔痕鎖遍朱門。非雨非晴。瑣窗長是黃昏。遠山約略呈愁黛。試推簾已隔重雲。是年時。中酒心情。天亦微醺。黏天芳草無情碧。便不經離別。已穀消魂。柳眼惺忪。長條未慣牽人。杏花深處攜尊去。任鳩聲啼遍前村。怕重來。綠到天涯。辜負尋春。

鳳嘴愁凝。蝶衣涼褪。更無花影當門。粧罷薰香。消磨燕晝昏。一絲簾額。蟾影背東風。偷夢梨雲。鎮無聊。未枕先眠。未酒先醺。城南咫尺香車路。問俊遊舊迹。如夢如魂。小立迴廊。烟鬟難認。何人鬧紅消息。曹騰過。臍垂楊綠。暗連村。

南社叢選

是東皇預借秋心。醞釀芳春。

賀新涼贈杏兒

春瘦東風倦。太惺忪。玉樓舊夢。等閒吹斷。占領江南花。一種幾度脂揉粉。漸
開到黃鸝身畔。冷葉倡條。胡點綴。賭繁華不受紅牆管。才一顧。蝶蜂滿。一枝
背面分寒煖。怎消受鏡臺供養。綠華相伴。百計思量。千遍約勾却。穠懽一半還
和醉和愁。銷算十里芳塵。鞭馬去。只黃金休鑄。憐香券。儘薄倖。自今喚。

前調贈阿素

金粉腥羶氣。總輸他薛家錄事。樊家嬌婢。又向嫦娥偷小字。蕩得秋情無際。漸
香入幽蘭心裏。名士傾城留本色。便掃眉不用江花替。塵萬斛。眼波洗。年來
潘鬢成絲矣。卅六天從頭懺悔。紅情綠意。多感憐才才似錦。鳳尾鴛心奇麗。都
化作光明白地。四壁畫禪。卿合悟。是吾曹清吟談詩例。攜皓腕。驗鈴記。

賀新涼 弔吳江范振中

天醉無時覺。視夢夢。摧苗擢秀。跖修滿。妖難得。生才偏易殺。才比童鳥更妙。却死比童鳥還早。蘭槩殘。離鳳鑿。問旋埋。旋捐何顛倒。終不信。有天道。碧翁向我掀髯笑。道因材深心驚處。坎蛙焉曉。鬼畜泥犁三惡界。怎着祥禽香草。要收轉青霄纜。保雷電肅清期不遠。再投胎永作興朝寶。勤未倦。莫輕誚。獨笑詞選

龐樹松字獨笑江蘇常熟人今錄詞一首

鳳銜杯

希姚鵬題毛韻珂飾約瑟芬小影率填一解

王孫白馬態翩翩。捲鸞花重話當年。何意脂盟鈿約付寒烟。春易老。鬢空妍。獅髮蜚。鷺冠偏。丰神婀娜復莊嚴。悄止宮娥低唱定。西番幽怨那能刪。

槩子詞選

龐樹柏字槩子江蘇常熟人今錄詞三十四首

滿江紅 靈巖謁韓蘄王墓並讀記功碑敬賦

南渡江山空留此一坏殘土。尙彷彿將軍旌旆。美人桴鼓。江上風雲鷗夢。冷湖邊。煙月鵲聲。苦只傷心遺憾。最難消。騎驢去。滄桑淚。揮無緒。興亡蹟。尋無據。算千秋。歌哭英靈。知否螭背豐碑。餘幾字。銷磨那更風兼雨。望淒霞。一樣舊斜陽。埋冤處。岳鄂王墓在西湖棲霞嶺

惜紅衣

早春至嚴氏溪園探梅園在靈巖之麓是日遇風雪登樓四眺悽然有作用石帚韻

水院沈陰。山樓送日。晚寒添力。小立低頭。深池歛瑤壁。疏梅照影。還照見梅邊。狂客清寂。吹起玉龍。領東風香息。春回舊陌。翠帶紅慳。空餘麝塵藉。闌干倚。徧望國暮雲。北爲問廢廊荒徑。此際有誰攀。歷共乳鴉歸去。猶帶一天離色。

前調讀王半塘庚子秋詞感賦用石帚韻

畫角吹塵。狂花卷日。俊遊無力。獨上高樓。千山暮碧。歌離吊遠。空老卻京華。詞客悽寂。腸斷楚蘭問夫君消息。秋風九陌。落葉哀蟬。深宮亂蕪。藉霓旌翠輦。去國指西北。往事怕談天寶。多少鬢絲經歷。剗翠華。和淚難辨舊時顏色。

法曲獻僊音

金病鶴先生再製其偶狀來徵賦哀詞並示悼亡
諸作感音凄戾不忍卒讀寒窗短檠倚此報之

金雁棲塵。玉荷搖夢。依舊淒涼孤館。冰枕新啼。墨綃殘淚。絲絲一般紅泫。忍重
譜離鸞曲。愁心碎成片。漫幽怨。只年來鬢絲顛顛。看鏡裏禁得幾回飄斷。最
是客衣單。尙思量燈畔裁。翦春絮。秋蓬有誰憐。夫壻游倦。問小魂歸未。休被夜
烏啼散。

徵招 題蔡哲夫拘風廊圖爲夫人張傾城所作

烟霞一角蓬萊影。人間輒塵難逗。永日掩巖扉。有羅屏圍繡。春歸花落後。有萬
疊翠陰籠畫硯。色疑雲。琴聲欲雨。自然幽秀。掃石試分題。風前惹茶煙半縹
吟袖。拍遍小闌干。問青鸞歸否。晚池寒碧。綉正低。薰黛蛾清瘦。待呼起。涼月娟
娟。把畫禪參透。

點絳脣 家兄北行雨夜獨坐寄懷

酒醒天涯。中年早辦離時淚。聽風聽水。諳盡江湖味。燒燭聯牀。迴首人生幾

君行矣。黯魂驚起。歸雁難成字。

前調 秋枚屬題董小池墨蘭

亡國春風幾絲。飄剩騷人淚。雨憔悴。寫出傷心事。脆葉柔枝。祇是難扶起。

瀟湘水暮雲千里。何處孤根寄。小池畫蘭仿鄧所南不畫土根

齊天樂 沈丈石友以西冷覓句圖屬題近又將鼓櫂武林賦此寄之藉以送行

東風催熟湖山夢。輕橈汎春何處。草際詩痕。花前淚影。遙指淩波仙路。年芳過

羽。把有限風光。筆尖收取。漫逐鷗夷。共商幽計。伴鷗住。生涯釣竿辦得。舊狂

間自理。烟水無語。鶴去山孤。鷓啼月冷。蒙叟西湖雜感詩有孤山鶴去花如雪。葛嶺鷓啼月似霜句 頭白空

吟愁句。重來未誤。定添了柔楊。幾枝低舞。為問周郎。鬢絲如舊否。謂左

前調 借開如金韓公湛韓民機舟西崦探梅鄧尉因過萬峯精舍午酌薄暮載月而歸賦此以識清游之難得也

吳縣未減東風淺。吹來一天晴翠。孱力支筇。閑吟陪幘。初了尋幽心事。山梅錯

綺。鎮遮級蒼鬢。午鐘飄墜。一笑登臨。冷禪參透萬峯意。幽禽枝上喚客。好春

容易去。空費清淚。梵外攜尊。龕邊按笛。防有餐霞人。至孤雲去矣。待惆悵歸舟。
晚漁歌起。月映西崦。峭寒香在水。

百字令 鄧秋枚鷄鳴風雨樓圖

神州如夢。望闌干高處。此時誰倚。鶯聽荒雞聲不惡。空費半衿鉛淚。孤劍頻看。
寒檠獨對。猶有飛揚意。酒醒歌闋。人休問。何世。迴首客裏關河。夜闌風雨。
嘗徧愁滋味。我亦荷衣塵土滿。辜負鬢絲堪恥。斫地王郎。問天屈子。心事人難。
會相逢。無語一腔餘恨。題紙。

前調 沈丈石友自撰生壙志刻古硯上拓本屬題

詩人老去。對青山無恙。似曾相識。料理百年邱壑事。莫待鬢絲先白。射虎生涯。
雕龍事業。壯志空拋擲。丈自題詩有捫管思雕龍挽強欲射虎之句孤吟神往。白楊風起。蕭瑟留。
此一片琳腴。千秋名字。差勝豐碑勒。何必墓田攜短鍤。十萬梅花親植。合付休。
休。且呼好好。萬事直須呼好好百年端歲月真駒隙。眼前雲水。甚時同辦簑笠。

西子妝 七夕偕友橫櫂尙湖雙鬟侑酒漫拈此解

風。縹。月。浮。露。明。花。凝。夜。比。秋。河。還。淺。鬧。紅。一。舸。載。秋。來。且。商。量。舊。時。漚。伴。淩。波。
路。遠。渾。不。怕。微。雲。鎖。斷。看。依。稀。又。水。燈。飄。處。襪。羅。塵。澆。流。光。換。一。曲。瑤。箏。替。
訴。天。孫。怨。銀。屏。殘。夢。玉。簫。心。賺。無。端。淚。痕。雙。泣。清。尊。漫。勸。好。憐。取。芳。情。銷。黯。悵。
何。時。擁。髻。鸞。缸。重。去。翦。

桂枝香

讀長沙華秀芬女史夫子落葉詩哀感頑艷
千古絕作時孤館夜坐燭跋香銷凄然成咏

銀。牀。冰。簟。又。幾。度。秋。風。低。扇。遮。怨。夢。冷。蒼。龍。心。上。轉。空。轉。巴。牋。書。破。承。恩。字。
夠。今。生。思。量。繾。綣。等。閒。撇。了。釵。盟。鈿。誓。玉。筋。紅。綻。漫。只。恨。夫。容。短。有。廢。井。
雙。梧。故。事。淒。惋。太。澆。池。荒。付。與。垂。楊。春。燕。怕。吟。落。葉。哀。蟬。曲。但。淩。波。羅。襪。誰。見。
料。伊。今。夜。魂。歸。復。道。尙。依。雕。輦。

湘月

新秋夜閨人臥病孤坐鏡窗感時撫
已漫拈此解不覺其詞之凄異也

畫。欄。冷。落。看。簾。衣。如。水。秋。最。多。處。彈。指。流。光。奈。病。裏。付。與。聽。風。聽。雨。悴。葉。飄。階。

怨蛩絮館。中有吟魂住。藥烟茶氣鬢絲相繚成縷。還自掩袖低鬟。深擊嬌喘。對商量愁語。滅盡芳顏。更一例滅却畫眉情緒。鳳篆香銷。翠衾夢遠。清夜沉沉去。孤釭花綻。此時知我幽苦。

瑞龍吟 病鶴屬芥龕作秋湖問月圖再次清真韻以題其後

湖邊路。迴首故國青山。舊莊紅樹。依稀篷影低雲。權聲碎月。尋秋那處。莫停佇。如此水鄉。應羨笛家漁戶。烟波冷夢重溫。白鬢倦采。呼鷗共語。休問三橋春舫。柳絲憔悴。尊前空舞。難得酒醒今宵。清景如故。香銷燭灺。商略裁秋句。爭忘却。拏芳細詠。凌波微步。錦瑟華年去。又教惹起。新愁舊緒。難理紛如縷。何日約同看。五湖烟雨。一船載得水萍風絮。

霓裳中序第一

中秋前一夕次輅先生招同石友丈暨鳴晦昆仲對月小酌用白石道人譜

林煙又斂夕。畫燭羅屏初弄色。三五邀來素客。好杯影借秋。花香分席。微吟動壁。引露蟾飛上簾隙。團欒未。碧霄絳闕。怎與問消息。清寂。澹雲如霧。最恨是驂

鸞路隔。添人多少夢憶。鷗畔移尊。雁外橫笛。此情誰見得。漫自把闌干遍拍。宵深矣。秋心一點冷透舊詞筆。

西子粧

已酉三月小留滬濱與秋枚真長哲夫驅車往徐家匯哲夫邀至寓廬茗憩歸途遊味純園是日西商賽馬鞭絲帽影遊事甚盛晚間真長招飲於嶺南樓俯觴人鳳仙聆口音誤為鄉親蘇小詢之則梁溪人也

積草隨輪柔楊罨袂十里紺烟橫路眼中猶恨少谿山避繁華結廬何處輕敲竹戶羨修到雙鷗同住恁東風正花光如海香塵如霧空凝佇門外啼鷓早又催人去鬧紅臺榭易斜陽怕重看一天飛絮旗亭劃句祇贏得啼痕無數向尊前難認蕭娘眉嫵

端正好石友丈藏一硯側鐫易安二小篆蓋李清照舊物也索題以詞

數才華吹香嚼蕊總難寫畫眉心事風鬟霜鬢早飄零易安永遇樂詞有於今問重去剩小字人間記玉鴿夜夜凝雙淚鎮獨伴冷吟閑醉何時銀燭呀烏絲把漱玉詞箋注

玉燭新 鄭郵先生寄示瑞香詞依原調奉和

啼珠凝露。正寶帳寒多。翠簾香展。數枝粉簇。緗梅小試。作東風幽伴。茂豨細
剪。奈尙覺今番。粧淺。遙想取。瓊碗靈芬。仙心一般。悵惋。無端瘦盡。春愁恁結。
就丁香。夢痕都遠。曉牕靜對。羞抹麗。但襯釵鸞。鈿燕沈湘。遺怨爲補入。箋騷芳
卷。還怕是吟到。宮花霞綃。淚濺。

朝中措 舟行水郭見隄柳數株搖落可憐觸緒縈懷悄然歌此

一聲離笛。下寒塘。烟水白茫茫。只有棲鴉幾點。無端銷盡。斜陽。長堤繡轂畫
樓紅袖。多少思量。還記那是殘月。何堪今夜。巖霜。

喜遷鶯 辛亥春晚重游湖上賦此索龍尾和

移船何處。指岸柳青拖。谿桃紅嫵。黛淺波輕。聲柔舫瘦。蕩破半湖香霧。酒畔碧
衫重。認鏡裏蒼鬟。無語。問記否。共尋秋。簫舫分箋題句。清遊能有幾。他日重
將樂府湖田補。吳竹橋著有小湖田樂府漸黯芳情。難拋鈿約。最是又愁春暮。閑卻斷絲叢。

笛。且。伴。浮。鷗。棲。鷺。醉。歌。起。趁。烟。寒。月。悄。夜。深。歸。去。

賀新涼 鈍劍屬題花前說劍圖

收拾狂名起。儘無繆從頭領略。銷魂滋味。定公詞怨去吹簫狂來說劍兩樣銷魂味漫說封侯前度

夢。豈是平生初意。只未減看花英氣。慧業三生都懺。盡算恩仇了了。應能記好

珍重。劍華紫。黃金綠鬢飄蕭矣。最傷心被人認作。燕邯俠子。銀燭清尊。奇句

在醉後歌。宜變徵。若近示詩有醉後歌宜變徵聲句忍學取吹香嚼蕊。且把東風亡國恨。寄相

思。併入傷心淚。淚紅。泣。畫圖裏。

采桑子 橫塘夜泊

紅樓燈火烏蓬雨。各自宵寒。各自孤眠。假遍羅衾翠枕單。三更一笛離亭起。

夢惹魂牽。付與秋烟遠逐。飛鴻到那邊。

浣溪沙

垂柳依依畫檻邊。倡條冶葉把愁牽。總教攀折也堪憐。慘碧山塘春似水。落

紅門巷雨如烟。怎生消受斷腸天。

菩薩蠻 舟中雨霽月出笛聲淒然

綠蒲殘雨蕭蕭歇。柳梢恰見微黃月。獨夜不成眠。笛聲吹到船。離情何處著。波面菱花落。漁火亂流螢。過橋紅一星。

壽樓春之園秋集既紀以詩意有未盡漫賦此解卽贈龍慧先生

過池亭追涼。正鴛邊雨綠。鷗外風香。卻稱朋筵呼酒。幾人疎狂。彈墨淚。傾瑤觴。算醉中浮名都忘。祇倚菊餐金。探梅撼玉。清事費思量。尋前約。愁年芳。奈枯棋墅冷。殘刻苔荒。謂瓶廬老人那更悲秋詞客。未離先傷。搔短鬢。迴柔腸。漫重去歌。危欄斜陽。問何日吟蓑。隨君五湖移釣航。

菩薩蠻 擬花間

蘭燈涼照流蘇帳。含羞不肯癡魂放。雙鬢薄如烟。要郎知可憐。嚙唇朱的的。鏡背花無色。殘月夢醒時。煖香猶在衣。

秋宵吟 尊農招飲卽席有作踵和白石自度腔協四聲

酒波明。畫燭冷。夜倚紅樓。秋迥相逢好。試借取清歌。喚將愁醒。儘流年。水樣
緊。送入舫船。拚盡疎狂慣。尙賦得閒情。翠嬌花靚。醉裏難忘。又朗月圓期漸
近。夢拋羅薦。淚濕銅槃。此際自消領。休覓青鸞影。但隔蓬山前事。暗省。怕人間
換了。西風釵約。鈿約。共未準。

清平樂 古泥爲余琢白石研題以此解

支機贖石。一片溫雲白。夜夜蟾蜍清淚滴。伴取滄江殘客。銀牋研就烏絲。何
心弄粉調脂。好學秋窗校夢。青燈一樣相思。王半塘校夢窗詞有校夢龜圖

減字木蘭花 題秦特臣淮海詩詞叢話

風流淮海。老去投荒名尙在。千里瀟湘。聽到鷓鴣聲。更斷腸。用詞苑叢談語意
理堪喜。劫灰寒不死。莫對秋燈。彈淚西風哭古藤。

賀新涼 題南通徐濟廬梅花山館讀書圖

叢殘重

難覓瓊嬛地。且商量青山老屋。一燈滋味。寫集安排。三千卷以外。笑都閒事。問
幾樹梅花開。未清夜何須紅袖。伴有寒香吹上烏皮几。此中樂十年矣。相逢
披取新圖裏。彩毫尖依稀帶得江山靈氣。忽憶英雄驚人語。書記姓名而已。試
去學釣鼈遊。戲滄海歸來春尙在。載紅兒更作扁舟計。吾爲爾再題字。君將隨節赴英
云倫故

剔銀燈 夜飲若蘭粧閣次仲可丈韻

秋在幽坊舊地。酒畔心情逾悴。簾燭迷香。屏花媚影。商略夜寒滋味。青衫剩淚。
可銷得幾回沈醉。絃柱背人斜倚。愁上遠山眉際。吹雨歌唇。試霜吟帽。多少
少年時事。風過葉吹似。簫鼓隔牆又起。

前調題亞子分湖舊隱圖疊前韻

却外移家何地。寫出水荒煙悴。夢弔疎香。詞搜珍篋。同社葉楚倫爲天寥後裔有分隄弔夢圖陳巢南輯
徵獻論詞徵有。一樣悲秋情味。滴殘清淚。卻輸與冷吟閒醉。遙想寒燈獨倚。望

斷。兼。葭。無。際。故。國。梅。花。扁。舟。桃。葉。我。亦。難。償。心。事。且。拋。歌。吹。聽。漁。笛。響。洲。夜。起。

踏莎行 張園訪菊借匪石尊農楚俗

病。柳。皺。黃。衰。荷。捲。翠。蕭。疎。一。角。尋。秋。地。雁。聲。送。到。書。闌。東。雕。輪。散。盡。斜。陽。裏。
袖。沁。香。寒。簾。搖。煙。碎。花。枝。也。似。人。蕉。萃。不。須。消。息。問。西。風。思。量。別。有。心。頭。味。
了公詞選

楊錫章字了公江蘇松江人今錄詞二首

點絳脣 半淞園卽事

輕。漾。菱。舟。微。風。吹。瘦。詩。人。袂。柳。搖。煙。起。爭。傍。斜。陽。睡。遊。徧。名。園。如。在。西。湖。裏。
君。知。未。小。欄。花。底。有。個。那。人。倚。

疎影

秋。風。至。矣。看。荷。衣。褪。粉。蓮。子。香。未。別。有。遐。思。微。雨。初。過。正。是。晚。涼。天。氣。芙。蓉。綠。
瘦。鴛。鴦。夢。憶。夢。裏。音。書。如。寄。料。朱。簾。熨。得。重。溫。幾。度。伊。人。閒。倚。明。月。菰。蒲。一。

片冷螢三兩個。輕點涼翠。佇立多時。恍晤紅裙。玉立亭亭江水。橫塘空繫瓜皮艇。怎載得六郎憔悴。更逗來點點芳愁。花外雁聲斜墜。

鷓鴣詞選

姚錫鈞字雄伯號鷓鴣江蘇松江人今錄詞七首

點絳脣 半淞園秋泛

漫理黃囊扁舟。又作尋秋計。菱花風細。涼透殘陽意。敗柳殘荷。盡付當窗見。歸猶未。一袈娑地。商略憑欄味。

浣溪沙 海上卽事

占斷長秋一角妍。微霜簾底試茶天。鈿車十里起紺煙。薄病無名如中酒。綺情略盡日耽禪。背燈箏語訴誰邊。

蝶戀花

玉鴨烟消寒惻惻。柳怨鶯聲。祇有簾波識。不信閒庭芳草色。春歸還把愁腸織。

入水釵光留未得。泥帶芹香。燕去空相憶。紅煞雕欄蟬鬢側。憑欄難覓柔荑迹。

點絳脣

九十流光匆匆過了。廉纖雨晚。霞慰汝。一抹紅如許。斷角殘鐘商略傷春語。

憑欄暮斜陽烟柳。便是春歸處。

浣溪紗

劉三有一天風雪藝黃精之句戲及之兼示其夫人靈素女士文字游戲不失雅諧弗謂輕薄爾

藝罷黃精自荷鋤。夕陽秋水澹菰蘆。攝生須問女相如。不信態經歸謝女。那

從鈿合貯丹書。脂痕粉印滿靈樞。

蝶戀花

寒食清明都過了。不怨花飛。但怨花開早。昨夜玉蟲蘭蕊小。一分春在孤燈悄。墮袂一丸涼月。皎欲理幽歡。醒醉都難好。不信春來人不老。鴛鴦打出相思

稿。

卜算子

好是畫簾疎。不隔羅衫袖。人共春愁一例憑。熨得闌干瘦。鈿怨與釵情。沒個商量候。自檢空箱舊酒衫。褶疊春痕透。

吹萬詞選

高燮字吹萬松江金山人今錄詞五首

少年游

爲春航題名小青墓作用應尊韻

一杯酌爾各愴平神。風雨斷人魂。芳姓同留。舞衣錯認。非假亦非真。登場描出傷心稿。曾現女兒身。碎恨零愁。哀絲豪竹。一樣可憐人。

一痕沙 題武林同遊照片

依舊能狂未死。惟我與爾有是。回首六年餘。景全殊。打疊吟魂一串。飛向段家橋畔。如此好湖山。莫思還。

浣溪紗 題西泠雅集照片

十載聞聲慰渴思。衫痕帽影各參差。紅闌干外日遲遲。碧草鋪階長似帶。垂楊倚檻綠成絲。沈沈庭院我來時。

減蘭題三潭泛舟照片

整襟危坐。一葉扁舟人七箇。何處停篙。卍字亭間九曲橋。相携吟侶。印到三潭情幾許。打槳烟波。湖水湖風莫管他。

羅敷媚題清波弄影照片

屯田妙致元龍氣。兩樣風姿。一樣情癡。各動榛苓彼美思。文章歌舞俱超絕。艾艾期期。撲朔迷離。對影清波逐隊嬉。

佛子詞選

高增字佛子江蘇金山人今錄詞四首

少年游爲春航名題小青墓作用虛尊韻

月明環珮訝歸魂。彩筆倩傳神。綺孽三生。芳名千古。傾倒幾多人。廣場開處

珠喉轉四座。喚眞眞。白雪徵詞。紅襟揮淚。一樣息餘身。

邁坡塘 題三子遊草

碧灣灣堤圍垂柳。鴨頭游泳何處。嫣然一笑秋波溜。半面明妝窺取。呼俊侶。料拜罷。忠墳。又向南屏去。癡懷說與。問湖水清漣。溪光宵渺。月旦定誰許。相憐。一樣登高能賦。渠儂眞箇辛苦。天荒地老人無恙。月下尊前傾吐。狂欲舞。道占住湖山。便是湖山主。沈吟暗妬。記十日行程。崗嵐起伏。擱筆幾延佇。

菩薩蠻 春光漸老言愁欲愁託之倚聲聊寫別恨云爾

蘼無綠。遍天涯。路天涯。遊子歸何處。少婦漫凝眸。凝眸愁上愁。綠肥紅漸瘦。花落愁時候。已是鷓鴣天。况聞啼杜鵑。杜鵑_鳥裏春光老。飛飛蝶向花枝繞。蝶自繞空枝。春歸知未知。流觴曾幾日。綺夢堪堪憶。斜日下西山。夢回清淚潸。

巢南詞選

陳去病字佩忍號巢南江蘇吳江人今錄詞十二首

百字令

偶經閩門酒家得宋淳熙明永歷錢各一枚用宋會觀
淳熙九年中秋隨駕詣德壽宮起居上皇賞月應制韻

土花暈碧。相青銅恰似古時明月。難得方兄完好在。真個二難奚別。兩片寒瓊。

唐鈺詩親拾
寒瓊出幽草

一朝吳市。邂逅欣重疊。阮囊增采。清商應和新闋。曾記破碎金

甌。加蚨飛去。半壁爭悽絕。一擲何曾孤注判。陷盡中原官闕。陵散金錢。考璽分

御寶。永明

國恥誰家雪。邊聲厲響。驚心何限。虧缺。

高陽臺

有感徐湘蘋夫人事

筆格橫珊。鏡欵嵌玉。南州高士人家。有箇僂伶。小名記取蘋花。比肩嫁得元龍。婿逞豪情。湖海堪誇。好年華。翡翠蘭苕。璧合無瑕。徐陳本有苔岑契。况樓高百尺。奇氣冲霞。玳瑁梁間。雙棲海燕周遮。畧談風月。供消遣。儘憑闌看遍山茶。只堪嗟。福慧修成。之子天涯。

前調

擁髻填詞、憑肩玩月。當時幾許歡娛。底恁匆匆。留伊不住何如。翩鴻一瞥靈氛
邈。賸孤懷渺渺。愁予影模糊。雁杳魚沈。沒寄封書。驀然錦字傳來快。詎看猶
未了。淚已漣洳。道受新涼。懨懨人忒慵疎。秋風從古稱多厲。怎禁他辛苦程途。
病曾無碎矣。儂心夢也驚呼。

虞美人 五人墓

五人已矣何消說。有碣誰能沒。淒清如我五人存。只是年年上冢。漬啼痕。
詩與梅道人非借 溫馨別有真娘墓。豔跡傳千古。可堪名士詡風流。對著名山名妓。
總含羞。

天仙子 重謁張東陽祠

短艇輕橈隨處艤。又到中丞香火地。神鴉社鼓不成聲。哀欲死。無生氣。入門撮
土爲公祭。痛飲黃龍今已矣。亮節孤忠空賚志。滿園花木又飄零。餘碧水向
東逝。
祠在綠水灣 盈盈酷似傷心淚。

念奴嬌

由山塘泛舟過野芳浜遊留園及戒幢寺有慨

蘭橈輕颺。有雲間佳士。秀州狂客。虎阜橫塘。隨處艤浜底。野芳幽絕。盛事難追。餘馨猶在。我意良飛逸。爲君道故華屋丘山。歷歷留園。不是劉園。一花一石。

大抵今非昔。祇樹香林。誰繼起。一笑相逢彌勒。

留園西有戒幢寺。俗名西園。其僧日走城中。宦家募金如山。遂

得與復遊人至者甚衆

震旦香燒。恆河沙沒。我佛應懷切。

印度已爲英人所滅。低眉入定。心事大雄

誰測。

減蘭 席上有感

人衰代謝。卞董風流。今莫話。欲聽琵琶。除却兒家。更那家。紅樓曾記。有个惺惺。嬌欲死。圖畫翔。描說到。魂消意也消。

惜分飛

欲遊支硎未果戲代船娘譜此闌

澹粉輕烟春欲暮。一棹橫塘飛渡。準備西山去。朝來賣得時鮮果。好事多磨。天忽雨。畢竟彼蒼心妬。妬了郎心苦。妬儂更妬西山路。

浣溪沙

昨夢漫遊塞外見土田肥沃頗宜耕植欣然有屯墾之志未幾峯迴路轉徐度溪橋則微茫萬頃宛然身在水雲鄉矣枕上偶得二

闕推衾
寫之

塞草青青塞柳妍。壯懷猶自說開邊。桑芽初綠好屯田。小小漁村逢野店。疏

疏簾桁。颺茶烟。具區縹緲遠連天。夢中恍惚一老漁語。余云此梅花塢也。

瘦影凌波絕可憐。個儂原住太湖邊。梅花點點擁嬋娟。一舸鴟夷曾許隱。半

椽茅屋合參禪。兩崦深處稱仄神仙。

踏莎行 張家口旅行竟日愁不能已寫此寄懷

攬轡登車。憑高瞰遠。胡沙一片連天晚。故園消息近如何。梅花落盡愁難返。瀚海烽多。哀鴻唳斷。天涯白髮人應倦。朔風吹徹亂鳴笳。伊誰解道春將半。

清平樂 題潘蘭史惠山訪聽松石圖

瑯琊碣石。底處尋殘刻。只有惠山泉咫尺。認取唐賢遺跡。一拳奚啻玲瓏。佑微粟里高風。漫道書狂似虎。還疑樹老猶龍。使李聃事

亞子詞選

柳葉疾字亞子江蘇吳江人今錄詞七首

蝶戀花 得臥子獄中書感賦

未卜他生今已誤。釵斷琴焚。南浦當時路。十樣蠻箋勞寄與。幾曾寫盡傷心語。往事思量誰記取。斷雨零風。又送春歸去。正是江南三月暮。鷓鴣聲裏留人住。

鏡裏窺儂顏色誤。蕉萃年來。總爲郎辛苦。鸚鵡前頭休絮語。背人紅淚還如雨。繡盡迴文無一句。倩夢驚魂。只逐楊花去。吟汝今宵飛到處。秦淮水繞鍾山樹。

滿江紅 弔蔣清烈女士用岳鄂王韻

鷓鴣聲中。那忍見衆芳銷歇。恨何物。萋菲貝錦。敢污清烈。媧后從來思補石。常儀。豈有曾奔月。嘆從容。就義謝讒。人心悲切。拚一死。冤應雪。傳萬稊。恨難滅。

痛世間底事。磽磽易缺。六月霜飛。東海獄三年。碧化。衰弘血料。貞魂招盡。不歸來。排雲闕。

前調題劍魂漢俠圖用前韻

荆七良錐。歎底事。俠風銷歇。驀地裏。逢君吳市。簫聲激烈。壯士悲歌。遼海曲。健兒醉踏沙場。月弔要離塚。畔草連天。雄心切。沼吳恥。幾曾雪報韓誼。終難滅。看不平棋局。唾壺擊缺。青史百年薪胆恨。黃衫一劍。恩仇血問。何時恢復。舊中原。收京闕。

金縷曲

哲夫作枯筆山水一小幀見贈爲訂交之券荒寒寥寂忽有感於
余心爰取戴子高影事名之曰夢隱第二圖詞以張之卽用三年
前爲鈍劍題萬樹梅花卷子舊韻撫今追昔若不
勝情海內詞壇所不敢望二三同志庶幾和余

拔地奇峯起。笑平生。鄭虔三絕。君真多事。揮灑烟雲來。腕底靈氣。胸中未已。看枯木寒山。如此塵海。茫茫無我。席算此身。合向山中死。負汝者。有如水。故人萬樹梅花裏。記當年。卜鄰有約。而今何似。恨海精禽填不得。付與淒涼眉。史儂

已厭傷心滋味。只恐人間無此境。便夸娥移也。非長計。圖一幅。且休矣。

蝶戀花 喜臥子出獄用前韻

絕代因緣今未誤。美眷如花。錦樣前頭路。艷福原憑天付與。人間刪盡相思語。
十斛明珠誰換取。只羨鴛鴦不羨飛仙。去蕩子歸來猶未暮。溫柔鄉裏留君住。

休道傳言鸚鵡誤。釀得三生。蓮子儂心苦。昨夜護花鈴上語。花開不怕閒風雨。
碧海青天傷別句。此日重逢。莫再匆匆去。料理雙棲安穩處。不須更化韓憑樹。

冶民詞選

蔡寅字冶民江蘇吳江人今錄詞三首

行香子 次韻和天梅亞子

綠到春邊。紅到愁邊。最無聊。漂泊天邊。漬一腔熱血。冰透毫巔。是病中花。霧中

月。錯。中。天。絲。斷。難。連。夢。覺。難。圓。猛。回。頭。遺。恨。綿。綿。奈。蘭。因。絮。果。往。事。重。牽。看
酒。如。淚。淚。如。雨。雨。如。烟。

春。在。雲。邊。人。在。愁。邊。莽。重。洋。苦。海。無。邊。蒸。振。衣。千。仞。孤。嘯。蓬。嶺。痛。望。帝。魂。精。禽
石。女。媧。天。斷。錦。空。連。片。月。空。圓。病。懨。懨。爛。醉。如。綿。問。奴。韁。隸。鎖。底。事。纏。牽。願
舌。爲。劍。劍。生。花。花。成。烟。

高陽臺 送友歸國卽事偶成

東。海。論。交。南。天。紀。夢。華。年。心。緒。悠。悠。鷺。地。簫。聲。撩。人。字。字。皆。秋。秋。心。攪。做。冰。紋
裂。怎。禁。他。風。雨。樓。頭。伴。羈。魂。咽。咽。鳴。鳴。喚。起。離。愁。臨。歧。莫。作。尋。常。語。把。屠。龍
手。段。起。鳳。才。猷。收。拾。乾。坤。好。教。重。鑄。金。甌。班。生。事。業。終。生。願。溯。予。懷。渺。渺。靈。修
莽。前。程。水。碧。天。青。浩。蕩。中。流。

大覺詞選

王德鍾字大覺江蘇吳江人今錄詞三首

點絳脣 題拈花微笑圖

小立花叢。花光人面紅相照。香風輕裊。纖手將花拗。一事問郎。花與儂顏較。爲誰好。欲言羞了。只是拈花笑。

擣練子 題踏雪尋梅圖

雲霧霏霏。偶憶瓊姿映小溪。踏雪尋來翻不識。紅梅頭白。白梅肥。

念奴嬌 題十眉瓜山憶夢圖

綺樓香散。月無聲剩有烟顰鴉語。記得瓊筵銀燭下。喚酒尋春幾度。翠袖封香。花鈿鬪媚。影事無憑據。滄桑花下。春衫紅淚如許。待欲貰酒重來。拱宸橋下。金粉依然。否聞說西冷花月夜。已是月斜花腐。舊夢重提。新愁萬疊。翦幅生綃。寓小簾虛閣。是君醉墨題處。

病蝶詞選

黃復字病蝶江蘇吳江人今錄詞三首

湘月

莘安凌三自分湖馳書燕市以紫雲樓圖屬加題詠紫雲樓者君所新葺與其夫人琬雯女士倡和之居也因填此解張之即以寄懷用韻定公

分湖靈秀。莽蘆煙。菰雪。合生英麗。弱冠文章驚海內。後起光芒無際。紙閣琴尊。高樓鐙火。銷盡才人意。新居頗好。借隱平輪。爾奇計。別後正憶江南。魚信傳來。驀地閒愁起。指點丹青。添一笑。幽緒終憐誰。寄畫舫聯詩。蕭齋話雨。回溯年時味。鷗盟判踐。儻相負者。如水。

水調歌頭

亞子結客十數輩雅集柳溪之水月庵有書見告附以新詩念景懷人感拈此解用宋人丘宗卿韻

豪彥蒼吳。浙雅集。白蘋洲。醉看斜陽。蕭寺還觸水邊愁。端合清狂小住。酌得英靈餘怨。驚起幾寒鷗。勝會屢辜負。愧我等羈囚。思故鄉。懷良友。慟神州。滄桑惹淚。遠書遙寄。雁來秋。賸有新詩沈俊。慰可水魂山夢。吟罷韻悠悠。游侶半無恙。謂十眉大覺莘安悼秋盃孚諸人行役復何憂水月庵在分湖南地介江浙之交水木明瑟。煙波浩渺為數百年古剎曾載嘉善縣志明季鼎沸東南。義士創水師以拒虜。軍事敗有亡命於此者病喋附識

南社叢選

高陽臺 寒夜懷太侔丈

吟社聯詩。歌場載酒。春明幾度淹留。老矣休文。逃禪強續狂遊。卅年涕淚挑燈。盡者滄桑。都化清愁。有何人玉珮瓊琚。比汝風流。一家客裏圓鷗夢。便蘆簾紙閣。也算溫柔。說劍調箏。平生心緒堪酬。相逢怕問閒消息。溯余懷渺渺。靈修甚天工。作就嚴寒。好句難搜。

无生詞選

王鍾麒字无生安徽歙縣人今錄詞十二首

摸魚兒 題自撰血淚痕傳奇

又無端幾番惆悵。阿誰寫入粉牒。賺儂多少酸辛淚。灑向西風黃葉。君聽。君不見行間都是鴛鴦血。聲聲淒切。有一縷幽魂。飛來卷裏。一讀一鳴咽。中心事。待與何人細說。看予頭上冰雪。霎時驚醒黃梁夢。猛換舊時宮闕。愁欲絕。但私祝根株莫被風吹折。芳菲未歇。願年少男兒。誓心恢復。努力補天缺。

如夢令

攜手畫簾深處。風送口脂香度。說到兩情癡。低啐一聲佯怒。佯怒佯怒。又把秋波偷顧。

蝶戀花

睡鴨香殘天欲暮。一出中門。便是離亭路。私祝西風休作雨。將儂吹上橫塘浦。贈汝明珠猶記否。便是重逢。已把華年誤。昨夜夢中曾見汝。可憐夢也無尋處。

前調 爲人題團扇

新製齊紈橫素月。僥倖終朝。纖手長親接。物尙如斯人竟別。何時乞得坤靈牒。只恐芳菲容易歇。簾外西風。簾裏先愁絕。出入中懷殊皎潔。道儂爭惡輕拋擲。

鳳凰臺上憶吹簫

花種將離。弦彈錄別。休將舊事重提。剩墜懽。如夢夢也。悽迷不是長亭。風雨是別。淚灑向臨歧。腸斷矣。夕陽無語。芳草斜堤。淒淒懽場回首。又誰料而今。死別生離。道一聲珍重。宛轉嬌啼。儂便經過萬劫也。難望素手重攜。料今宵明月多情。還照樓西。

賀新涼

指點離亭路。問今宵月斜人定。汝眠何處。此去長途須珍重。正是炎風送暑。問更有阿誰調護。縱使程途千里。隔算相思。只有儂和汝。翻則悔重逢。誤朝來相送。江干路。強回頭。道聲珍重。淚花如注。便欲興辭。渾不忍。淚眼頻頻。偷顧早一步。一回凝佇。休道今生緣分淺。有夢魂長繞。橫塘浦。無限事。向誰訴。

滿江紅 藤花血傳奇題詞

如此江山。問世事從何說起。看門外銅駝無恙。夕陽如矢。慘霧橫空。燐火碧西風。撲地芙蓉紫。猛回頭。換了小朝廷。心如死。家國恨。空羞恥。身尙在。差堪喜。

似鬼神來告。吾仇至矣。把劍傷心。聊一哭。投杯壯志。仍千里。看等閑。譚笑起。風雲空餘子。

菩薩蠻

綠羅掩口金釵顫。幾回夢裏分明見。夢醒却如何。淚沾紅被窠。殘燈光若豆。月比人還瘦。扶病別殘燈。天兒還未明。

金縷曲 寄無量

謝子平安否。念年時歸來相見。匆匆握手。抵掌痛談家國恨。門外霜華如斗。願壯志終期不朽。寶劍如虹。人似玉。更一杯痛飲黃龍酒。君去已。莫回首。年來我亦飄零久。賸終朝談棋說劍。評花問柳。欲謝浮名渾未得。漸近中年以後。只萬事蹉跎如舊。縱有文章驚海內。但無端。騰笑妻孥口。歌一曲。淚沾袖。

摸魚兒 贈人

又無端幾番惆悵。是誰將我留住。十年一覺揚州夢。憔悴江南風雨。須記取。偏

量了明珠來作畫中語。萬般辛苦趁涼月。三更癡魂一縷。化作杜鵑去。珠簾外紅豆東風如故。殷勤說與遲暮。深情一往真愁絕。相見怎能細訴。卿莫誤。歎故我頻年結習無尋處。低聲囑咐。倘絕業成時。名山藏就金屋定深護。

鷓鴣天 有憶

雲作衣裳玉作身。一回相見一銷魂。敢言花貌能傾國。但解憐才合感恩。心裏事。夢中人。羅衾生受幾黃昏。千金欲覓崑崙客。又恐紅裙意不真。

齊天樂 金詞子

一重隔斷溫柔界。風流倩他遮護。盎玉凹梨。堆瓊發菽。都被輕輕兜住。何堪更注。尙環約銀鈎帶。拖金縷。汗顆嬌融。爲誰芳暈。竟如許。年時卿定記取。縱狂郎在抱。歡境初遇。翠袖微揚。羅襦私解。纖手摩挲偷度。魂消个處。記春夜橫陳。艷懷全露。皓體鮮妍。片紅添媚。嫵。

善之詞選

程善之以字行安徽歙縣人今錄詞七首

長亭怨慢 楊花

松藤先生謂自來賦楊花者皆在辭枝以後若其嫩黃初吐弱翠纔分
時宛轉枝頭亦自纏綿可愛古來詞人題咏曾未之及寧非憾事拈長
亭怨慢一闋囑爲譜之

舊年時玉驄嘶處。背却東風。偷勻眉嫵。秀甲輕籠。檀雲細簇。好留住幽香。一縷
籠不盡。烟和雨。剛到杏花時。且莫問天涯。何許南浦。看凝珠聚蕊。依約春心
無數。蜂衣褪盡。只贏得宮腰淒楚。青青媚眼。可憐生。貼粉額。嬌黃無主。鎮宛轉
芳叢。幾日短長亭路。

高陽臺

寒食天涯。東風院落。一簾疏雨黃昏。蘸暖拖寒。年年線上新痕。愁心只共春潮
長。盪纖腰。錯認真真。漫消凝。打槩年時。桃葉桃根。落花流水無聲去。更游驄

寂寞。夢繞芳塵。燕妬鶯嬌。能禁幾度眉顰。柔荑未解同心結。逗微波。影又成陰。太匆匆。吹盡香雲。便了殘春。

菩薩蠻 有悼

小樓香冷蘼蕪路。淚滴紅冰無著處。月暗玉鈎斜。塵飛繫臂紗。雁聲天共遠。霜底秋痕淺。短夢一番醒。難爲醒後情。

浣溪紗 有見

泥枕雲鬟睡起遲。春醒餘倦透腰肢。笑招新燕說相思。浸幕曉光涼似水。過雲微雨不成絲。清明一度落花時。

虞美人

絳紗窗下珠絨墮。暗遞櫻桃唾。記儂生。小慣聰明。怪底閒人偏說是多情。無端風雨年華暮。催促朱顏故。闌干倚遍怕黃昏。不耐舊人新夢訴。溫存。

祝英臺近 和陳烈婦級蘭丸詞卽用原韻

別西樓憶南浦。遠夢迷江樹。淡宕遊魂。飄遍人間路。幾番劫後河山。哀秦詛楚。都只付白雲來去。空留住。漫春月又秋花。促把離思誤。錦瑟無端。愁緒向誰訴。舊時絮果蘭因。從頭推數。更恩怨悲歡何處。

一萼紅悼亡

立風前。拂漫漫荒草。慘綠杳無邊。媧石天銷。蓬萊海隔。淒涼莫問當年。指芳塵。彈餘冰淚。鎮溫柔不似舊因緣。心事他生悲歡短夢都付啼鶻。天意從來難問。算古今儘有。薄命嬋娟。冷露浮光。寒燐蕩影。羅襟何處潛然。幾多時。碧油經處。便空山花木。暗啼鶻。怕聽蜀岡十里流水涓涓。

菩薩蠻

眼底屏山天樣遠。桃花日日閒庭院。蝶夢只酣酣。不知春色闌。鈿蟬搖玉鳳。壓臂香痕重。鸞鏡慣相思。顰眉不自持。

遁天詞選

呂碧城字遁天安徽旌德人今錄詞二首

瑞龍吟 和清真

橫塘路。還又冶葉抽條。繁英辭樹。最憐老去方回。賀鑄斷魂尙戀。芳塵送處。悄
延佇。愁見唾茸珠絡。舊時朱戶。蠹箋暗褪芸香。不堪重認。題紅密語。苦憶前
游如夢。翠裾長曳。錦襜低舞。巢燕歸來。雕梁春好非故。餘哀零怨。寫盡閒詞句。
更誰見。湘波蘸影。襪羅微步。春共行雲去。已褪吳蠶。猶牽病緒。織就愁千縷。釀
一寸芳心。黃梅酸雨。罌罌悶倚。倦懷誰絮。

聲聲慢

聽殘臘鼓。吹暖錫簫。鳳城柳弄輕煙。檢點春衫。早又換了吳棉。啼鶯喚愁未醒。
錦屏深慣倚。懨懨。朦朧語。問人問世。月地花天。還賸淨生幾日。儘傷心。付
與淺醉間眠。無賴斜陽。爲底紅到樓邊。繁香又都吹盡。費彩毫多事。題箋。人空
瘦。到明朝怕啓繡奩。

寄塵詞選

胡懷琛字寄塵安徽涇縣人今錄詞七首

浣溪紗 答尊農

問我緣何不作詞。今將心事告君知。非關偷懶故裝癡。
愁緒絲絲情絮絮。斜風片片雨絲絲。原來最怕說相思。

柳梢青 天遂爲余畫扇填此酬之

君自優游。廉州手腕。石谷風流。一派溪山。半天風雨。筆底全收。
烟嵐雲樹扁舟。點在我團團扇頭。海暑都消。纖塵不染。無限清幽。

洞仙歌 楚槍鷓鴣各以寄內贈內詞示余反其意填此閱和之

卿卿仙子住瓊宮。玉宇含笑拈花曾一語。是塵緣未了。小謫人間。故教汝嘗試。
般般辛楚。我語卿聽取。翦斷情根。兩字鴛鴦塗舊譜。免世生生。傷別傷春。
夠消受。恨烟聲雨。卿若不虔心聽吾言。且去看人家。幾家團聚。

浣溪紗 夜雨

有。個。愁。人。睡。不。牢。芭。蕉。風。雨。夜。瀟。瀟。新。涼。如。水。一。燈。搖。
他。哀。樂。到。明。朝。只。難。消。受。是。今。宵。 往。事。悲。歡。都。過。了。管。

羅敷媚

分。明。是。個。傷。心。地。蔓。草。芳。郊。野。水。橫。橋。深。淺。春。愁。比。暮。潮。
花。也。神。焦。柳。也。魂。銷。一。角。斜。陽。更。沒。聊。 離。懷。困。懶。何。消。說。

前調 夜雨

芭。蕉。葉。上。宵。來。雨。已。算。淒。清。不。毅。淒。清。添。個。寒。蟬。抵。死。鳴。
坐。到。天。明。聽。到。天。明。愁。與。秋。潮。一。樣。平。 紙。窗。竹。簾。人。無。睡。

採桑子

匪石有此調題曰新移居跑馬廳畔聞之居人舊為吳中費某藏嬌之所詞以記之余居與君為鄰依調填和

天。生。是。個。風。流。地。昔。作。香。窩。今。又。吟。窩。占。領。春。愁。孰。最。多。
事。藏。艷。由。他。索。句。由。他。問。我。鄰。家。管。什。麼。 喃。喃。慶。和。誠。多。

中華民國十二年六月付印

中華民國十三年七月出版

南社叢選全十二冊

定價大洋四元

編輯者 涇縣胡樸安

印行者 上海國學社

代印者 上海國光印書局

總經售處 東新橋北首吉慶坊內
上海國光書局

電話中央七一四三

分售處 本外埠各大書局

版權所有 不准翻印

上海图书馆藏书



A541 212 0016 5456B

308586